

Handwritten text in a cursive script, likely a library or ownership inscription. The text is difficult to decipher due to fading and the texture of the leather.



Ag 12


~~gr 4~~ 2 He 419

2





Christian Julius Böhnelmann.
Anno 1716.
14. May.





Der Römischen

Keyserlichen Maiestat
Erklärung / wie es der Reli-
gion halben / imm heyligen
Reich / bis zu Auftrag des
gemeinen Concilij gehalten
werden sol / auff dem Reichs-

tag zu Augspurg / den XV. Maij / im M. D. XLVIII.
Jar publiciert vnd eröffnet / vnd von ge-
meinen Stenden angenommen.

Christo Auspice
PLVS VLTRA.



Ex
Bibliotheca
Ministerii
Cellensis



1913 9 1173

Cum Gratia & Priuilegio, &c.

[Faint, illegible text, likely bleed-through from the reverse side of the page]



Die Römisch Keyserlich Ma
 iestat/ vnser aller gnedigster Herz/ Laßt des
 heyligen Reichs Churfürsten/ Fürsten vnd Stenden/ vnd
 der abwesenden Räten/ Botschafften vnd gesandten/
 gnediglich anzeigen.

Wiewol jr Keyserliche Maiestat/ von eingang jrer
 Keyserlichen Regierung/ allezeit jr gemüt/willten
 vnd meinung dahin gericht/ alles das gnediglich
 vnd vätterlich fürzunehmen/ zühandlen/ vnd zū
 befürdern / so gemeiner Christenheit/ vnd sonderlich dem
 heyligen Reich/ der löblichen Teutschen Nation / als irem
 geliebten vatterland zū güt/ auch höchsten ehren / auffne-
 men/ nutz/ frommen vnd wolhart immer reichen/ vnd
 dardurch alle vnd jede Stend/ Glider vnd vnderthanen/
 vnder jrer Keyserlichen Maiestat flügeln/ vnd glückseli-
 gen Regierung / rüwig/ fridlich/ vnd einig bleiben/ leben
 vnd grünen möchten.

¶ So haben doch jr Keis. Maiestat/ vor langem/ güter
 massen gespürt/ auch im werck augenscheinlich befunden/
 Das sich one Christliche vergleichung/ oder gebürliche er-
 örterung der eingerissenen hochschedlichen Spaltung der
 strittigen Religion (aus welcher dann alles nachteilig/ vn-
 uertrawen/ widerwill/ Krieg/ not/ vnd beschwerung vn-
 der den Stenden/ bisher eruolet) einichs beständigen frids/
 Rechts/ rühe/ noch einigkeit/ beschwerlich zūersehen sein
 wolte.

¶ Derhalben jr Keyserliche Maiestat/ vor diser zeit/
 allerhand wege vnd mittel gesücht / Auch vilerley gespre-
 che vnd vnderhandlungen fürgenommen/ dadurch jr Kei.
 Maiestat verhofft/ solch verderbliche Spaltung zū Christ-
 licher vergleichung / oder bessern verstand / zūbefürdern
 vnd zūbringen.

¶ Als aber in volnfürung derselben erwegen/ vnd besun-
 A ij den

Römischer Keyserlicher

den worden / das dise Spaltung so ferz vnd weit eingebrochen / das die nünmalen / nicht allein / die Teütsch / sonder auch vil ander Christliche Nationen zügliche belangen / vnd den allen miteinander gemein were / vnd derhalben sollicher Spaltung nit stattlicher / dann durch den ordenlichen wege / eins gemeinen Christlichen Conciliums / fügliche abgeholfen werden möcht / Haben jr Kei. Maie. auff gemeiner Stende vnderthenig bitt / vnd ansuchen / nach vil gepflegen handlungen / souil erlangt / vnd erhalten / Das letzlich eyn gemein Concilium in Teütscher Nation zu Trient für genommen vnd angefangen worden . Dar auff auch jr Kei. Maie. in anfang dises werenden Reichstags / mit gemeinen Stenden dahin gehandelt / vnd an jnen vermügt / Das sie den Fußstapffen der heiligen Vätter / vnd Eltern / so je allwegen inn glaubens sachen / jr züflucht zu den heiligen Concilien gehabt / vnd sich dieselben weisen lassen / nachgeuolgt / vnd sich solchem angefangten Concilio anhengig vnd vnderwürffig zümachen / auch desselben erörterung züerwarten / vnd züglichen / gemeinlich bewilligt / vnd daneben jrer Kei. Maie. gehorsamlich heimgestellt / auff Christlich vnd gebürliche wege bedacht zü sein / wie mitler zeyt / bis zu endung vnd auftrag des Concilij gemeine Stende Gottseligklich / vnd inn gutem fridlichen wesen / bey einander leben vnd wohnen möchten / vnd niemand wider Recht / vnd billichkeit beschwerdt werde / Welche gemeiner Stende Christliche verwilligung des Concilij / sampt angehangter heimstellung jr Keiserliche Maiestat damalen von den Stenden zu sondern gnaden / angenommen / vnd nachmaln annemen.

¶ Nun haben jr Keiser. Maie. auff angeregte der Stend vnderthenige heimstellung / disem hochwichtigen handel bis anher ganz vätterlich / getrewlich / vnd mit höchstem fleiß nachgedacht / auch jr der Stende selbs bedencken (wie jnen bewist) darüber vernommen / vnd inn
erwegung

Maieſt. Erklärung. 3

erwegung aller ſachen/mitleidlich wargenommen / vnd er-
meſſen / was vnauſſprechlichen nachtheils / vnd vnraths
der löblichen Teütſchen Nation/auf vorberürter ſpaltung
biſher eruoigt / vnd was ſchadens vnd verderbnuß auch
hinfüran dauon zügewarten / vnd das derhalben zü auff-
richtung vnd erhaltung beſtendigſ Fridens / Rechts / ei-
nigkeit / vnd ringgerung der Stende eingeriſſnen vnuer-
trawens / die höchſt vnuermeidliche notturfft erfordern
wölle/diſe ſachen biſ zü fürgang vnd erörterung deſ ge-
meinen Concilij / in gegenwürtigem ſtand vnd Confuſion
keins wegs ſtecken / noch anhangen zülaſſen / Sonder zü
mehrer Chriſtlicher vergleichung vnd maßigung / auch beſ-
ſern vnd nähern verſtand zürichten / vnd den vil eindring-
genden widerwertigen Secten lenger nicht züzüſehen /
noch den gemeinen Friden dardurch ferner betrüben / vnd
verhindern zülaſſen.

¶ Wie nün jr Keiſerliche Maie. in mitte diſes wichti-
gen wercks geſtanden/hat ſich zügetragen/das etliche ho-
hes ſtands vnd namens / ſonder zweiffel auß gütem eifer/
ſo ſie zü Chriſtlichem Frid/rühe vnd einigkeit tragen / auch
auß rechter liebe gegen gemeinem vatterlandt / irer Kei-
Maie. hiebeiligenden Rathſchlag / vnd bedencen vnder-
thänigklich fürbracht / vnd ferner beſichtigen zülaſſen/
vbergeben / ſich auch demſelben nachzükommen / vnd zü-
geleben / gehorſamlich angebotten.

¶ Dieweil dann jr Kei. Maie. ſollichen vberreicheten
Rathſchlag/etlichen anſehenlichen/vñ der heiligen ſchrift
verſtändigen / vnd bewerten Lehrern züerſehen befolhen/
vnd auß der ſelben Relation ſouil vernommen/das ſollicher
Rathſchlag zü rechtem Chriſtlichem verſtand / vnſerer
waren Chriſtlichen Religion/vnd Kirchen lehr/ordnungen
vnd ſatzungen (außſerhalb der zweien puncten / die Com-
munion vnder beider geſtalt/vnd der Prieſter Ehe betref-
fend) nicht züwider / Sonder zü befürderung vnd erlan-
gung

Römischer Keyserlicher

gung vollkomner Christlicher vergleichung der strittigen Religion / Auch erhaltung alles fridlichen wesens vnd einigkeit in heyligen Reiche nützlich / fruchtbar / vnd dienstlich sein solle / dafür es dann jr Kei. Maie. nach jetziger gelegenheit der zeit vnd leüß / selbs auch halten / vnd ye nicht liebers sehen noch befürdern wolten / dann das gemeine Stende vnder jrer Kei. Maie. regierung / inn der Religion fridlich vnd einig leben vnd wonen möchten / Inn massen dann jrer Kei. Maie. irem Keyserlichen ampt nach / zü steht vnd gebürt.

¶ Demnach so ersuchen die Kei. Maie. die gemeinen Stende / so bis her die ordnungen vnd satzungen gemeiner Christlichen Kirchen gehalten / hiemit genedigklich begerend / das sie die selben hinfüran auch halten / vnd darbey bestendigklich bleiben / verharren / vnd daruon nicht abweichen / noch verenderung fürnemen / Welches sie dann zü thun / vnd dem selbigen beharlich zü geleben / sich hienor erbotten vnd gewilligt haben.

¶ Aber die andern Stende / so newerung fürgenomen / ersuchen jr Keyserliche Maie. auch gantz genedigklich vnd ernstlich / das sie entweders widerumb zü gemeinen Stenden treten / vnd sich mit inen inn haltung gemeiner Christlichen Kirchen satzungen vnd Ceremonien / aller ding vergleichen / oder sich doch mit jrer lehr / vnd Kirchen ordnungen / bemeltem Rathschlag / inn allweg gemäß halten / vnd weiter nit greiffen noch schreiten / Ob sie sich auch weyter eingelassen hetten / sich als dann bemeltem Rathschlag inn allweg gleichförmig halten / vnd gantzlich darbey bleiben / vnd das alle Stend zü befürderung gemeines fridens / rühe vnd einigkeit / obbestimpten Rathschlag diser zeit gütwillig gedulden / denselben nit anfechten / noch darwider lehren / schreiben / noch predigen lassen / Sonder des allgemeinen Concilij erklärung vnd erörterung / mit gedult gehorsamlich erwarten.

¶ So

Maieſt. Erklärung. 4

¶ So wollen jr Kei. Maie. nicht deſtoweniger allen möglichen fleiß fürwenden / vnd an aller dienſtlicher beförderung nicht erwinden laſſen / damit das algemeine Concilium / auff gemeiner Stende erſüchen / züm fürderlichſten gehalten / vnd die Teutſch Nation der ſchwebenden ſpaltungen gantzlich erlediget werde.

¶ Gleicher weiſe ſtehn jr Kei. Maie. in embsiger arbeit / vnd begriff einer Chriſtlichen Reformation / welche auch jr Maieſtat noch auff diſem Reichstage den Stenden zü eröffnen / genädiglich entſchloſſen ſein / der gnedigen getröſtung / das die biß zü erörterung offtermelts Concilij / zü abſtellung viler mißbreüch vnd ergerniß / auch pflanzung vnd erhaltung Chriſtlicher zucht / wandels / vnd tugenden nicht wenig fürreglich ſein werde.

¶ Nach dem auch in berürtem Rathſchlag / vnder der Rubrick / von den Ceremonien / vnder andern vermeldet wirt / wo etwas inn denſelbigen / ſo zü aberglauben vrsach geben möcht / eingeschlichen wäre / das ſollichſ gebessert werden ſolle. So wollen jr Kai. Maie. jr ſelbs gnediglich vorbehalten / inn dem / vnd andern Articckeln / wa / vnd ſo vil von nöten / verzo / vnd hinnach allezeit gebürliche maß vnd ordnung zügeben. Dann alles das jr Keiſer. Maie. zü förderung der Ehr Gottes / vnd vergleichung der ſtreittigen Religion / Auch erhaltung beſtendiges fridens / Rechts / vnd einigkeit inn heyligen Reiche Teütſcher Nation / vnd dann auch ſonſt gemeinen Stenden zü ſonderm nutz / wolfart / vnd allen gnaden beweifen / fürnehmen / handeln vnd befürderen mögen / Deß ſein jr Kei. Maie. irem tragenden Ampt nach / gantz genedigklich geneigt / willig / vnd vrbüttig / vnd haben diß alles zü erklärang irer Kei.

Maie. gemüts / gemeinen Stenden / gnediger wolmeinung nicht verhalten wollen.

Von

Römischer Keyserlicher

Von dem Menschen vor dem fall.

Ech. 1.

Gott hat von anfang den Menschen erschaffen/
zu seinem Ebenbilde vnd gleichnuß/ vnd in mit
gnaden geziert/ auch durch die erblich gerechtig-
keit dermassen zügerichtet/ das er in allen krefft-
ten des leibs vnd der seelen ganz recht were/ vnd von kei-
nen bösen vnd vnordenlichen bewegungen angefochten
wurde/ sonder das inn jme das fleisch dem Geist/ vnd die
vndersten krefftten der seele/ den obersten (welche allein zu
dem guten anweyßten) gehorsam weren.

Eccle. 15.

Da nun das menschen gemüt dermassen wol züger-
richtet was/ hat in Gott gelassen inn der hand seines eige-
nen Raths/ Also weyt/ das er nicht weniger macht hette
zu wölen das gut als das böse.

Wo sich dann der Mensch diser seiner freiheit recht
gebraucht/ auch den gebotten die jme Gott selbs gegeben/
gehorsam gewesen were/ so hette er die güter vnd gerechtig-
keit/ die er empfangen/ jme selbst/ vnd allen seinen nachkom-
men erhalten/ auch jme vnd jnen nicht gemangelt/ frömb-
lich vnd seliglich züleben/ Es het jme auch weder hunger
noch durst/ hitz noch kelte/ schmerz noch franckheit/ noch
der todt betrübt oder geengstiget/ Besonder het er alle sün-
den vnd gebrechen gemitten/ vnd von den straffen/ als be-
lonnungen der sünden/ sich keinerley gefahr/ weder für sich
selbst/ noch seine nachkommen besorgen dürffen.

Von dem Menschen nach dem fall.

Aber nach dem vnser erster vatter wider Gottes
gebott gehandelt/ ist er inn die straff gefallen/ die
im Gott getrewet/ vnd hat also das aller schön-
nest geschencke der erblichen gerechtigkeit verlorn/
Daher

Maiest. Erklärung. 5

Daher kumpt der mangel diser erblichen gerechtigkeit /
samt der sündlichen art der begirde / die dann one vnter-
laß dem Geyst vnd obersten krefft / der Seelen wider-
strebt / Welliche Sünde (das ist die beraubung benan-
ter gerechtigkeit / des orts / da sie die vernunft Gott ge-
horsam machet / samt der bösen art der begirde) Adam ^{Rom. 9.}
auff alle seine nachkommen geerbet hat / also das alle men- ^{Ephe. 1.}
schen die auff dise welt geboren vnd kommen / mit diser sün- ^{Iob 25.}
de geboren werden / vnd ist jr keyner on / auch nit eyn kindt
von eynem tag / nach der schrifft / vnd hienon ist kommen / ^{1. Cor. 5.}
die wunde vnserer natur / also das der natürlich mensch
nicht versteet / was des Geysts ist / Er begert vnd erwe-
let auch solliches nit / vor der genad / Seitmal die begirde
vnd neygung des fleyschs / welche inn ihme regiert / eyn
feindschafft ist wider Gott / vnd scheühet vor dem gesetz
Gottes / vnd hindert ja so vil am gütten / so vil sie züm bö- ^{Rom. 8.}
sen reytet vnd dringet.

¶ Vnd wiewol eyn solcher Mensch behelt eyn Frei-
heyt seines willens / doch schwach vnd verletzet / daraus
als eynem brunnen herfließen alle ehliche tugent vnd tha-
ten der heiden / samt jren wirckungen / So kan er doch vor
der gnaden / vnd ehe dann er wider zü recht gebracht ist /
die gerechtigkeit / die vor Gott gilt / nit erreychen / sonder
ist vil mehr eyn knecht der Sünden / des Teufels eygen /
vnd eyn feind Gottes / vnd allen straffen diser welt vnder-
worffen / dann er wirdt beschwärt mit hunger / kummer /
durst / frost / hitz / schmerzen / krankheit / vnd wirdt entlich
durch den tod zerstöret / Dann die sünde ist durch eynen
menschen inn die welt kommen / vnd durch die sünde der ^{Rom. 5.}
tod. Es seind aber die straffen diser ersten übertretung /
denen die von newem durch die genad geboren werden /
mit den sündern gemeyn / wiewol sie den newgebornen auch
zur übung auffgelegt werden / Aber den vngerechten vnd
Gottlosen / werden sie zur straff zügeschickt.

¶ Zü

Römischer Keyserlicher

In dem muß man wissen / vnd lehren / das inn ey-
nem solchen menschen / den die Erbsünd verderbt hat / so
lang er alleyn nach der natur lebt / vnd durch die gnade
nicht erneuert ist / zügleich mit der bösen begirde / auch
der Satan regirt / der in mit den banden seiner dienstbar-
keyt gefangen hellt / vnd würcket inn jne / das er wan-
delt inn seinen eygen begirden / vnd volbringt den willen
des fleyschs vnd seiner gedancken / vnd hauffet also die
Erbsünde / die er von seinen Eltern herbracht / auch mit
seinen eygen würcklichen sünden / vnd ist eyn kindt des
zorns / wie der Apostel sagt / Also wo er inn solchem sei-
nem aller ermbsten wesen stirbe / würde er entlich nach
rechtem vrtel Gottes / inn das hellisch feur / das er darinn
ewiglich gestrafft / geworffen werden / Da dann sein feur
wie inn Esaia geschriben steht / nicht erleschen / vnd sein
Wurmb nicht sterben würde.

Von der Erlösung durch Chris- tum vnsern Herren .

Warumb dann Gott / der an barmhertzigkeit reich
ist / weil er nicht wolte verderben lassen / die er
beschaffen / hat er seinen eyngedornen Sün inn die
Welt gesandt / seitemal es dem menschen vnmüglich was /
sich selbst züerlösen / das er inn demselbigen vnserm Herren
vnd Seligmacher die erlöschung hette / durch sein blüt / wie
es von dem Apostel geschriben ist.

In dem hat auff jne gelegt vnser missetha-
ten / auff das er inn seinem Leib trüge die Sünde am
Creutz / vnd sie an das holtz hefftet / Vnd dieweil Gottes
sün / der vnschuldig für vns sündet den tod gelitten / vn für
vns gnüg gethon / hat er vns dermassen erlöset / vnd den
Vatter also versönet / das vnns bemelter Vatter / als
die

Maieſt. Erklärung. 6

die armen beſleckten ſünder / von wegen des blüts ſeines
Süns entbunden / vnd vns jme ſelbs widerumb verſönert
hat. Dann Gott (ſagt Paulus) was warhaſtig inn ^{2. Cor. 5.}
Chriſto / vnd verſönert die welt mit jm ſelber / vnd rechnete
jnen ire ſünden nicht zu / vnd hat vnder vns auffgericht
das wort von der verſünung.

G Vnd wiewol Gott vmb ſonſt / vnd vmb ſeines
Namens willen vns gnädig iſt / vnd vertilket vnſere ſün-
de vmb ſein ſelbs willen / Doch das er zu erzeygung ſeiner ^{Rom. 3.}
gerechtigkeyt nicht ohne bezalung oder genüthigung die
Sünde vergeb / hat er von wegen ſeiner vnerforſchlichen
weiſheytt vnd vberſchwenglichen güte die gerechtig-
keyt mitt der barmherzigkeyt vermicheſt / vnd beſchloſ-
ſen / das ſeines eyngeworrenen Süns Blüt / vns damit zu
erlöſen / die bezalung ſein ſolte / auff das / das aller vn-
ſchuldigſt Lämblin alle die ſtraffen am Creütz trüge / vnd
überwände / welche wir ſünder hetten leiden ſollen / Vnd
das wie die bezalung vnſerer erlöſung / die vns armen
ſündern mangelt / auß ſeinen wunden entlehnen / vnd
zu vnſerer erlöſung vnd ſeligkeyt gebrauchen möchten /
auff das / ob gleich wol ſich der aller gütiſt Vatter / vn-
ſer lauter vmb ſonſt erbarmet / Doch ſolches erbarmen
nicht geſchehe / dann vermittelſt des blüts ſeines Süns /
alſo das alles was vns allhie vmb ſonſt geſchicht / wie
doch darumb dem verdienſt vnd der gerechtigkeyt Chri-
ſti zūdanken haben / auff das eyn jeglicher der ſich ehre
met / ſich inn diſem vnſerm Herren Erlöſer vnd Selig-
macher ehre.

Von der Rechtfertigung.

W Er nun durch das theur Blüt Chriſti erlöſet /
vnd jme der verdienſt des leidens Chriſti zuge-
theilt

B ij theilt

Römischer Keyserlicher

theylt vnnnd gegeben / der wirdet alsbald gerechtfertigt /
das ist / er findet vergebung seiner sünden / wirdt von der
schuld der ewigen verdammnis erledigt / vnnnd vernewert
durch den Heyligen Geyst / vnnnd also auf eynem vn-
gerechten wirdet er gerecht / Dann da Gott rechtferti-
get / handelt er nicht alleyn menschlicher weis mit dem
menschen / also das er ime alleyn verzeihe / vnd schenck ime
die sünde / vnd entbinde jnen von der schuld / Sonder er
machtet ime auch besser / das doch keyn mensch weder züge-
ben pfleget / oder geben kan / Dann er ime seinen Heyligen
Geyst mittheylt / der sein hertz reyniget / vnnnd reyzet
durch die liebe Gottes / die inn sein hertz aufgegossen
wirdt / das er das / so gut vnnnd recht ist / begere / Vnnnd
was er begert / mit dem werck volbringe / Das ist die
rechte art der eingegebenen Gerechtigkeit / welcher Da-
psalm. 50. und begert hat / da er sich hören läßt / Herz schaff inn mir
eyn reyn hertz / vnd vernew inn meinen innwendigen deis-
nen richtigen Geyst. Danon redet auch der Apostel /
1. Cor. 6. Egentlich seyt jr abgewaschen / Ir seit geheyliget / Ir
seit gerechtfertiget. Vnd da er spricht / Gott hab vns
selig gemacht / mit vmb der werck willen der gerechtigkeit /
die wir gethon hetten / Sonder nach seiner barmherziga-
keit / durch das bad der Widergeburt / vnd vernewerung
Titum 2. des Heyligen Geysts / welchen er reichlich ausgegossen
hat auff vns / durch Jesum Christum vnsern Heylandt /
auff das wir durch sein gnad gerechtfertiget / Erben seien
des ewigen Lebens nach der hoffnung.

¶ Vnd wiewol dise Gerechtigkeit / die da herfließt
auf dem Brunnen des Gesetzes des Geystes / vil besser vnd
Math. 5. reicher ist / dann da gewesen ist die Gerechtigkeit der
Schriffgelerten vnd Phariseer / so findet sich doch inn de-
nen / die solche Gerechtigkeit auf gnaden bekommen ha-
ben / das nichts dester weniger die lüste dem Geyst wi-
Gala. 4. derstreben / so lang wir hie auff Erden leben / Derhalben
Rom. 7. geschicht

Maieſt. Erklärung. 7

geſchicht es / das eben dieſelben mit dem gemüt dem Ge-
ſatz Gottes / Aber nach dem fleiſch / dem Geſatz der Sünde ^{1. Ioan. 6.}
den dienen / vnd also ohne Sünden nicht leben / Dieweil
nührt eyn Mensch so lang er hie auff erden lebt / die vol-
kommenheit diſer eingegebenen Gerechtigkeit nicht mag
erlangen / So kompt vns Christus auch diſes ortſ merck-
lich vnd gnedigſt zu hilff / ſeittemal er vns von Gott
gemacht iſt / Wiſſenheit / Gerechtigkeit / heyligung vnd ^{1. Cor. 2.}
erlöſung / Also das er eben wie er durch gemeynſchafft
ſeiner gerechtigkeit / die gerechtigkeit des menschen / die
im nün geſcheneckt / vnd im ime iſt / die auch ſien theyl
von im nimet / gewüret hat / Also mehret er ſie auch /
auff das ſie ſich von tag zu tag vernewen / biß so lang ſie
im dem ewigen Vatterlandt ganz vollkommen werde /
vnd durch den verdienſt ſeines theuren Blüts / vnd ſei-
ner Gerechtigkeit (die ganz vollkommen beſteht) erwirbt
er dem menschen vergebung / Also das alles was der
mensch ſeiner ſchwachheit halb zu wenig vermag / das
wirdt durch Chriſti vollkommenheit erlangt vnd ge-
ſcheneckt / Daher gehöret der Troſtſpruch Johannis / Lie- ^{1. Ioan. 2.}
ben Kindlein / diß ſchreibe ich euch / auff das jr nicht ſün-
diget / Vnd im fall das jemandt geſündigt hat / So ha-
ben wir eynen Fürſprecher bei dem Vatter / Jeſum Chri-
ſtum den gerechten / dann er iſt die verſünung für vnſere
Sünden .

¶ Also kommen zuſammen Chriſti verdienſt / vnd die
eingegebne gerechtigkeit / zu welcher wir vernewert wer-
den / durch die gab der liebe / Nämlich die eingegebne Ge-
rechtigkeit / auff das wir dardurch mächtter / gerecht vnd
Gottſelig leben im diſer Welt / vnd erwarten der ſeligen
hoffnung vnd zukunfft der herligkeit des groſſen Gottes
vnd vnſers ſeligmachers . Aber der verdienſt Chriſti / das
er der gerechtigkeit / ſo in vns iſt / eyn vrsach ſeie / Vnd nach
dem wir alle in vilen ſtücken offt ſtrauchlen vnd fallen / vnd

B ij vns

Römischer Keyserlicher

vns von wegen vnserer schwachheyt vnnnd vnnvolkomenheyt vil ding zü handen stossen vnd begegnen/die vnserere hertzen betrüben/vnd zü verzweiflung bewegen möchten/das wir inn dem selbigen verdienst / vnd theuren blüt Christi vns widerumb erholen sollen / darinnen wir sinden/dardurch wir die hoffnung züm ewigen leben auffsterckest befestigen mögen .

Rom. 8.
¶ Dann in Herrn Christo Jesu vnserm Erlöser vnd Seligmacher / welchen die Christglaubigen anziehen / vnnnd mit welchem inen alles geschenckt wirdet (wie der Apostel sagt) seind vns alle ding auffss gewiffest / vnnnd vollkommenest / dardurch wir zür lebendigen hoffnung grüntlich vnd gewifflich erhalten vnd gesterckt werden .

Von den fruchten vnd dem nütz der Rechtfertigung .

Rom. 5.
S Je gerechtfertigten haben frid mit Gott / durch vnsern Herrn Jesum Christum / dann Gott inen gnedig vnd barmherzig / vnd gegen inen versünet ist / daher sie dann hoffen mögen / dieweil sie Gott / als sie Feindt waren / durch den Todt seines Süns versünet hat / das sie vil mehr / nach dem sie nühn versünet sein / selig werden / Auff das wir vns der wort des Apostels / die voller trosts sein / recht gebrauchen .

Rom. 8.
¶ Item die gerechtfertiget werden / die werden auch zü Gottes kindern erwelet / auff das sie erben sein des ewigen Vatters in Himmel / vnnnd Miterben Christi / wie sant Paulus lernet / vnd haben recht vnd macht dis Erb anzüprechen / welchs ist das ewig leben .

Von der weise / durch welche der Mensch die Rechtfertigung bekompt .

Wiewol

Waiest. Erklärung. 8

Wiewol Gott den menschen gerecht gemacht / nicht auß den wercken der gerechtigkeit die Roma. 3. der mensch thut / Sonder nach seiner barmhertzigkeit / vnd das lauter vmb sonst / das ist ohne seine verdienst / Also wo er sich rühmen will / das er sich alleyn im Christo rühmen solle / durch welches 1. Cor. 4. verdiensts alleyn er von den sünden erlöft / vnd gerecht gemacht wirdt / Doch handelt der barmhertzig Gott nit mit eym menschen / wie mit eynem Todten block / Sonder zeucht in mit seinem willen / wann er zu seinen Jaren kompt / Dann eyn solcher empfahet dieselben wolthaten Christi nicht / es sei dann das durch die vorgehendt gnad Gottes sein hertz vnd will bewegt werde / den sünden feind zu werden / Dann nach dem die sünde scheydet Gott von vns / wie Esaias sagt / so kan niemands zu dem thron der Esai. 59. barmhertzigkeit vnd gnaden gehn / er sei dann zuvor durch die Büss / von derselben sünde abgewendt / darumb auch Johannes da er dem Herrn den weg bereytet / sagt / Thut Büss dann das Himmelreich ist nahet herbei kommen. Marc. 1.

Als bald bewegt die gnad Gottes das hertz zu Gott durch Jesum Christum / vnd dise bewegung ist des Glaubens / durch welchen der mensch ohne zweifel glaubt der Heyligen schrifft / vnd hengt sich an die Göttlichen zusagen / welche die schriften anzeygen / vnd Christus selbst / da er auff die Büss dinget / erfordert als baldt eyn solchen Glauben / vnd spricht / Dieweil die zeit erfüllet / vnd das Reich Gottes nahendt herbei kommen ist / so thut Marc. 2. Büss / vnd glaubet dem Euangelio.

Wer also glaubt / vnd von der forcht der Göttlichen gerechtigkeit / dardurch er nützlich erschreckt / dahin bekeret wirdt / das er betrachtet die barmhertzigkeit Gottes / vnd die erlösung durch das Blut Christi / der wirdt auffgericht / vnd durch bewegung der gnaden Gottes

Römischer Keyserlicher

Rom. 4. Gottes empfalet er das vertrauen vnd die hoffnung/
Also das er glaube inn hoffnung wider hoffnung/das ist/
wider die hoffnung seines verdiensts/inn die hoffnung der
versprochenen vnd zugesagten barmherzigkeyt/gibt Gott
die ehre/vnd wirdt also zur liebe gefüret.

Gala. 3.
Roma. 3. ¶ Vnd wer sich also durch eynen solchen glauben
auff die barmherzigkeyt Gottes/vnd den verdienst Chri-
sti steüret/vnd befolcht sich darein/der empfalet die ver-
heysung des Heyligen Geysts/vnd wirt also gerechtfer-
tigt durch den glauben an Gott/nach der schrift / Also
das ime nicht alleyn die sünde vergeben werden / Sonder
derselbig wirdt auch geheyliget vnd vernewert durch den
heyligen Geyst / Dann diser glaube erlangt die gabe des
heyligen Geysts/durch welche die liebe Gottes aufgegoss-
sen wirt inn vnser hertzen / Welche / so sie zum glauben
vnd der hoffnung kommet / werden wir alsdann durch
die eingegebne gerechtigkeit/die inn menschen ist/warhaft-
tiglich gerechtfertiget / Dann dise gerechtigkeit besteht
durch den glauben/die hoffnung/vnd die liebe / Also wo
man diser gerechtigkeit der stück eynes wolte entziehen/
so würde sie gestimmelt vnd mangelhaft sein.

Von der Liebe vnd guten wercken.

Pfalm. 1.
Gala. 5. **D**ie Liebe die da ist das ende des Gebots/vnd die
volkommenheit des Gesetzes / so bald sie inn der
rechtfertigung eintritt / so ist sie fruchtbar / vnd
beschleüßet inn sich selbs die samen aller guten werck/wel-
che/wie sie bereyt ist gute frucht der gerechtigkeit zutra-
gen/Also tregt sie die auch inn dem gerechtfertigten / als-
baldt vnd so oft sie soll / vnd jr die macht zuwürcken /
durch eynicherley hindernuß nicht benommen wirt. Der-
halben der Glaub/der durch die liebe nicht würcket / der
wirt nicht für lebendig angesehen / Sonder vil mehr vn-
fruchtbar

Waiest. Erklärung. 9

fruchtbar vnd todt / wie auch S. Jacob sagt / Ja vil ^{Iacobi 2.}
mehr der mensch habe souil glaubens als er wölle / ist die
liebe nicht da / so bleibt er in todt / wie es Johannes klar ^{1. Ioan. 5.}
zeüget / sonderlich dieweil die liebe ist ein stuck des ewigen
lebens / das inn vns hat angefangen / vnd solle endtlich
durch die herrligkeit erfüllet vnd volkommen werden / dann ^{1. Cor. 13.}
ob wol der glaube vnd die hoffnung auff hören / wann wir
inn die ewigen hütten verreisen werden / so wirdet doch die
liebe bleiben / vnd wirdet mit vns inn die selbigen eingehn /
das wir durch sie selig leben / vnd inn Gott / der vns als
dann wirdet alles inn allem sein / zu ewigen zeiten / wann
vnd freud haben mügen / vnd ist doch gleichwol nichts des
sterweniger der glaub warhafftig / dardurch die Christen
von den vnglaubigen erkandt werden / souil sie der schrift /
vnd was vns von Gott geoffenbaret ist / glauben geben /
Ob gleich wol derselbig glaub / von der lieb vnderchieden
vnd gesündert ist.

Auf diesem grossen Gottes geschencke (welches / je
mehr es inn vns wechset vnd zunimbt / je mehr das alte we-
sen des fleischs inn vns abnimbt) fließen / wie aus einem
brunnen / alle güte werck / welche so nötig sein einem jeden
gerechtfertigten zur seligkeit / das / wo er sie nicht thut / da
er soll / so verleürt er die gnad Gottes / vnd wirdet als ein ^{Ioan. 15.}
vnnützer Reben aufgeschnitten von Christo / vnd inns
feür geworffen / wie Christus selbst inn seinem Euangelio ^{Matth. 7.}
lernet.

Vnd wiewol dise werck dermassen gestalt sein / das
sie Gott von vns / als für sein recht erfordern möchte / vnd
die heiligen / wann sie alles das / was inen gebotten ist / ge-
thon haben / sich bekennen / vnd sagen sollen / das sie vnnüt-
ze knecht sein / noch dannocht dieweil solche werck aus der
liebe herfließen / vnd frucht der gnaden Gottes sein / vnd ^{Hebre. 6.}
Gott nach seinem wolgefallen den würckenden belonung
aller miltest / zusagt / so begnadet er sie mit vergeltung
zeitlicher

Römischer Keyserlicher

zeitlicher güter vnd des ewigen lebens / nach zeügknus
des Apostels / da er spricht: Seit reich vnd vberflüssig in
allen güten wercken / vnd wisset / das ewr arbeit nicht vn-
nütze ist inn dem Herren. Dann Gott ist nicht vngerecht /
das er vergesse ewers werckes vnd liebe / die jr erzeigt
habt inn seinem namen.

E Vnd die gerechtfertigten / nach dem sie nün worden
sein knecht der gerechtigkeit / vnd geben ire glider zü dienst
der gerechtigkeit / zür heiligung durch die mitwürckung
der gnad / seind sie reich von güten wercken / Vnd ye mehr
sie hierinnen zunemen / je mehr sie besserung der gerechtig-
keit empfahen / Also das die / die gerecht seind / noch gerecht
werden / Fürchte dich nicht / sagt die schrifft / gerecht zü
werden / bis züm todt. Item der gerecht ist / solle forthin
noch gerechter werden / Vnd welcher in Christo fruchtbar
ist / der wirt vom himlischen Vatter gereiniget / das er vil
mehr frucht bringe / wie Christus selbst lernet / Vnd das ist
die gerechtigkeit die auß den wercken kompt / dauon Jaco-
bus sagt der brüder des Herren.

Noch eins müß man lernen / wiewol die werck / die
von Gott gebotten / nötig seind zür seligkeit / die man auch
sonderlich treiben solle / wie geschriben steht / Wilt du züm
leben ingehn / so halt die gebot Gottes / So seind doch die
werck / welche vber dise gebot geschehen / vnd ehlich vnd
Gottseligklich gehandelt werden / auch zülöben / auff das
wir nicht wider den heiligen Geist sein / der diser vil in der
heiligen schrifft lobet / Dann sonst / alles zünerlassen oder
zü verkauffen / vnd dem Herrn nach züfolgen. Item keusch-
heit zühaltten / wer alles nit güet noch nützlich. Des gleichen
do Dauid vor der Archen tanzet / wer er billich von der
Michol verlachtet worden / Vnd Paulus hette vergebens
die besoldung denen nachgelassen / welchen er das Euange-
lium gepredigt hat.

Kürtzlich müssen die vngebotnen frey willigen werck /
so

Maieſt. Erklärung. 10

ſo (wie Chryſoſtomus ſpricht) vber das Geſatz geſchehen/
von denen die darwider geſchehen / vnderſchiden werden/
Dann diſe verdampt Chriſtus ſelbſt / als den ſawrteyg
der Pharifeer / aber ihene lobet der heilig Geiſt inn der
ſchrift / wann er ſagt / Laß dir gefallen Herr das willig ^{Psalm. 118.}
opffer meines mundes.

Vom vertrauen der vergebung der Sünden.

Hie müß man ſich wol fürſehen / das man die
menschen nicht all zü ſicher mache / vnd das ſie
inen ſelbſt nicht all züvil vertrauen / auch durch
engſtlich zweiflen / nit inn verzweiflung komien /
Darumb dieweil Paulus ſagt / ob er gleich ſich ſelbs inn
nicht ſchuldig wiß / ſey er doch darumb nicht gerechtfer-
tigt / So kan ja der menſch gantz ſchwerlich von wegen ſei-
ner ſchwachheit vnd vnuermügens / on einichen zweiffel
glauben / das ime die ſünden vergeben ſeind / Vnd wiewol
er ſich nit ſolle inn im ſelbſt rhümen / noch auff blaſen / ſo ſoll
man in doch nicht also ſchrecken / das er an der krafft deß
ſterbens / vnd auffſtehens deß Herren Chriſti / vnd an den
gnedigen züſagungen Gottes zweifeln / vnd meinen ſolte /
er künde vergebung ſeiner ſünden / vnd die ſeligkeit nicht er-
langen / ſonder all ſein hoffnung vnd gewiſheit ſeins gan-
zen vertrauens ſoll gegründet ſein / auff das theur blüt
Chriſti / das für vns vnd zü vnſerer ſeligkeit vergoffen iſt /
darinn wir vns erquicken / vnd vns darauff tröſtlich ver-
laſſen mögen / vnd ſollen / Darzū vns dann beſtettiget der
heilig Geiſt / der da zeügnuß gibt vnſerm Geiſt / das wir
kinder Gottes ſein.

Von der Kirchen.

C ij

Am

Römischer Keyserlicher

Du sollen wir von der Kirchen handeln / die da ist die gemeinschaft vnd versammlung der Christglaubigen / in welchen der heilig Geist die newgebornen vnd Christen also zusamen zeucht vnd verbindt / das sie seind ein hauf / ein leib / auß einem Tauff / vnd einem glauben / der (wie Paulus sagt) in allen Christen einerley ist. Darumb wiewol von nöten / auff das man zu einem vollkommenem ende / da die Kirchen hingedenckt / kommen möge / das die Christen Gottselig vnd wol leben / So soll sich doch niemandt bereden / das ime einiche frumbheit des lebens nutz sein künde / wo er in diser gemeinschaft vnd einigkeit der Christglaubigen nicht sein noch lebet wurde / Darumb ist nun die Kirchen das hauf des lebendigen Gottes / gebawet auff das fundament der Propheten vnd Apostel / vnd der leib / welches leibs haupt Christus ist / Dann wir vil / seind eyn leib in Christo / sagt Paulus.

Für dise Kirchen / hat sich vnser Herr Jesus Christus selbst dargeben / das er sie heiliget / vnd reinigte durch das wasserbad in wort des lebens / auff das er ime die zürichtet gantz herzlich / die keine mackeln / noch runzeln / noch etwas dergleichen hette / Sonder das sie heilig were vnd unbesleckt.

Vnd nach dem die Kirchen die einige Taub / vnd der einige leib ist / so heiliget vnd erhalt allein sie der Herr Christus mit seinem Geist / Also / das er außserhalb diser / niemand die gaben seiner gnaden mitteylet / Darumb wer in dises leibs gemeinschaft nicht ist / der wirt eben so wenig lebendig gemacht / durch den heiligen Geist zum ewigen heyl / als ein glied das vom natürlichen leib abgerissen oder abgeschnitten ist / zum natürlichen leben / Dieweiles von dem Geist des lebens / der allein von seinem haupt herfließet / nicht weiter lebendig gemacht wirdt / Derhalben soll man glauben / das niemand außserhalb der Christlichen

Waiest. Erklärung. 11

lichen Kirchen/ vnd irer Geistlichen gemeinschaft züm ewigen leben kommen künde.

¶ So ist es auch vmb dise gemeinschaft also geschaffen/das/nach dem der Geist Christi von jme/ als von dem haupt fleisset/ inn seinen leib/das ist die Kirchen/vnd inn alle ire glider durchgeht / so empfangen alle glider von jme somit/ als jnen zür seligkeit von nöten ist/ Vnd was einem yeden güts widerferet/das kompt jnen allen/vnd also der ganzen gemein züm besten. Dann wie der Apostel sagt/ ^{Ephes. 4.} Die glider wachsen inn der liebe durch auß inn jm / der das haupt ist Christus / auß welchem der ganze leib zusammen gefügt / vnd verbunden/ auch durch alle gelenck der auftheilung/nach der würckung eines jeglichen glids gesterckt wirdt/zü seiner selbs erbarung inn der liebe/ Inn diser gemeinschaft vnd gesellschaft der menschen / ist die aller gröst gemeinschaft / seytemal ein glid für das ander sorgfältig ist/ Vnd wann ein glid leydet/so leyden alle glider/Vnd wenn sich eins fröwet/so fröwen sich auch alle glider.

¶ Vnd wiewol die Kirchen/so fern sie inn solchen gliedern steht / die nach der liebe leben / allein der Heiligen ist/ vnd deshalben vn sichtbar / So ist sie doch auch sichtbar/ in dem das sie Christus zeigt/da er spricht : Sage es der Kirchen/Zü diser gehören die Bischoff/die das volck regieren/Welches Christus mit seinem blüt erkauft hat/darzü gehören auch die andern diener/Dann Gott hat etliche geben zü Aposteln/etliche zü Propheten/die andern zü ^{Ephes. 4.} Evangelisten/etliche zü hirtten vnd lehrern.

¶ Zü diser Kirchen gehört das wort Gottes / das durch die ohren ins hertz fellt / hieher gehören die Sacrament/hieher gehören die Schlüssel zü binden vnd außzulösen/vnd der gewalt zü zwingen durch den Ban/hieher gehört auch der gewalt/die diener der Kirchen zü ordinieren/hieher gehöret die berüffung züm Kirchendienste/ vnd zü

Römischer Keyserlicher

letzt die macht Canones zusetzen / Es sollen aber alle diese ding/ die zu der Kirchen/in dem sie eüsserlich ist/gehören/dienen/zü erfüllung der heiligen/züm werck des ampts/zü erbawung des leibs Christi.

¶ Nun seind inn diser Kirchen nit allein die heiligen/sonder auch die bösen/ als glieder desselbigen / wiewol vnfruchtbar/ Daher der Herr Christus sie jetzt vergleicht einem netze / das man ins Meer würfft/welches gute vnd böse visch ergreiffet / Bald hernach vergleicht er sie einem acker / der zu gleich mit gutem samen beset ist / vnd tregt doch vnkraut / Dann die durch die Tauff glieder der Kirchen worden seind/fallen oft wider inn sünde/vnd machen sich knecht der sünden / vnd schuldig der ewigen verdammnis / vnd wiewol sie die gnad der gemeinschaft der heiligen / vnd der Geistlichen Kirchen verlieren / so bleiben sie doch gleich wol inn der eüsserlichen gesellschaft der Christen/vnd der Kirchen/sie hören das wort Gottes/gebrauchen die Sacrament/vnd haben alle eüsserliche ding mit der Kirchen gemein/es were dann/das sie durch ein rechtmessige Excommunication/oder durch ein Schisma/oder durch Kezerey/oder abfal vom Christlichen glauben abgeschnitten wurden.

¶ War ifs/derselben sach steht sehr vbel/die in einer todtsünd krank/vnd von Geistlicher gemeinschaft abgesündert/vnd derhalben mit gefahr der ewigen verdammnis vmbgeben seind/doch dieweil sie noch macht haben/Gottes wort zühören/vnd sich der Sacrament zugebrauchen/so künden sie durch diese werckzeug der gnaden Gottes/zü gemeinschaft der heiligen nützlich / vnd dester leichter widerumb gebracht werden / sonderlich dieweil der heylig Geist/anch inn der eüsserlichen Kirchen die seligkeit/durch das wort Gottes/vnd die Sacrament würcket.

¶ Aber die Schismatici/kezer/vnd die vom Christlichen glauben abfallen / dieweil sie nit allein von der geistlichen/sonder

Waiest. Erklärung. 12

sonder auch von der eüsserlichen kirchen gemeinschaft ab-
gesündert sein / so lang / als sie in dem gefehrlichen stand ver-
harren / haben sie nichts damit man sie künde retten / oder
inen helffen / sonder sie müssen als glider / die vom ganzen
leib abgeschnitten sein / zu irer selbst verderbnus ersaulen /
vnd seind nicht würdig / das sie an einem teil des leibs Chri-
sti bleiben möchten / welchs einigkeit sie so schentlich zerreis-
sen vnd trennen / Daher gehört das der Apostel sagt / einen
abtrinnigen menschen soltu meiden / nach einer oder zweien
vermanungen / vnd solt wissen / das der / so eyn solcher /
verfert ist / vnd sündiget / dieweyl er durch sein eigen vna-
theyl verdambt ist.

Von den Zeichen vnd Gemercken der waren Kirchen.

S Ad dieweil vil versamlungen vnder den menschen
auff erden / so will von nöten sein / das man die ge-
merck / vnd zeichen wisse / dardurch die Kirche /
von andern gemeinschaften der menschen möge erkandt
vnd vnderscheiden werden / Sonderlich dieweil die Schis-
matici vnd Kerzer inen auch versamlungen machen / wel-
chen sie zulegen den gewalt / vnd den namen der Kirchen /
Vnd ettlich sagen Christus sey hie vnd da / vor denen wir
vns hüten sollen / wie vns Christus selbst warnet / Dar-
umb seind das die zeichen der waren Kirchen / das ist / des Matth. 24
grossen hauses / inn welchem nicht allein seind guldine vnd
silberne gefes / sonder auch hülzine vnd jrdine / vnd ettliche 2. Timot. 2
zün ehren / vnd ettliche zün schanden / nemlich die heilsam
reine lehr / vnd der recht gebrauch der Sacrament / durch
welliche die Kirch vnderschieden wirdet / von den versam-
lungen der Heiden vnd Juden / welche beide die reine lehr
des newen Testaments nicht haben.

Das

Römischer Keiserlicher

¶ Das dritt zeichen ist die einigkeit / die durch das band der liebe vnd des fridens erhalten wirdet / vnd verbindet also veste zusamen die glieder der Kirchen / das sie nicht allein inn den dingen / so inn gemeinem verstand der heiligen / von zeit der Aposteln bis auff vns / angenommen vnd gehalten worden / gleich stimmen / Sonder auch einerley reden / wie der Apostel vermanet / Ich bitt euch durch den namen vnser Herrn Jesu Christi / das jr allzumal einerley red füret / vnd lasset nit spaltung vnder euch sein / sonder seit vollkommen inn einem sinn / vnd einer meinung.

1. Cor. 1.

¶ Das vierdte zeichen der waren Kirchen / ist / das sie seye die allgemein / das ist / durch alle ort vnd zeit aufgegosen / vnd durch die Aposteln vnd ire nachkommen / bis auff vns / inn stätter Succession ausgebreitet / bis ans ende der welt / vermög der zusag Gottes / Forder von mir / vnd ich will dir die Heiden zu deinem erbe geben / vnd die ende der welt zu deiner besizung. Item / Vil werden kommen von auffgang vnd vndergang der Sonnen / vnd sitzen mit Abraham / Isaac / vnd Jacob im himelreich. Item / Ir solt meine zeügen sein zu Jerusalem / vnd inn ganz Judea vnd Samaria / vnd bis an das ende der erden. Item / Vnd ich will den Vatter für euch bitten / vnd er wirt euch einen andern tröster schicken / das er bey euch bleibe ewiglich / den Geist der warheit / den die welt nit kan empfangen.

Psal. 3.

Matth. 3.

Act. 1.

Johan. 17.

¶ Dise zwey nechstgemelte zeichen / scheiden die Christliche Kirchen von den versamlungen der abtrinnigen vnd Ketzer / die das band der liebe zerreißen / vnd sich zu irem selbst verderben / von der einigkeit der allgemeinen kirchen absündern / Dieweil sie iren theil der ganzen allgemeinen Kirchen fürsetzen.

Von dem Gewalt vnd Auctoritet der Kirchen.

Wiewol

Maiest. Erklärung. 13

Wiewol die schrift/wie Christus sagt/nit auffgelöst werden kan/vnd also deshalben vnbesweglich/vnd grösser/dann aller menschen gewalt/So ist doch bei der Kirchen allweg die macht gewesen/die waren schriften/von der falschen züscheiden/daher kumpt der Canon der schrift/dardurch die rechten von den vngerechten schriften/welche vnder dem namen der Aposteln des Herrn/vnnd irer Jünger eingefürt vnderscheiden worden sein.

¶ Vnd eben wie die Kirchen diser ding halben/gewalt vnd macht allwegen gehabt/Also hat sie auch gewalt/die schrift außzulegen/vnd sonderlich auß jnen die lehren zünemen/vnnd züerklären/Seitemal der Heylig Geyst bei jr ist/vnnd leyttet sie inn aller warheyt/wie dann der Herr Christus solches selbs zügesagt hat/Daher spricht Sant Peter/Alle weissagung der schrift/ge- 2. Petri 1.schicht nicht auß eygner außlegung/sonder die Heyligen menschen/mit dem Heyligen Geyst erfüllet/haben also geredt/vnd dise macht dise schrift außzulegen/ist sonderlich noth inn den stücken/die schwer seindt zünerstehn/wie es dann die that an jr selbst weist.

¶ Ober das hat die Kirch etliche satzungen von Christo vnd den Aposteln/durch die handt der Bischoff an vns/bis hieher gebracht/welcher die zerreist/der langnet/das die Kirch eyn Säul vnd grundtfest seie der warheyt/diserley seindt die Kindertauff vnd andere.

¶ So ist auch das gewis/das die Kirch macht habe züstraffen/vnd zü Excommunicieren/vnd das auß Christi befehl/vom gewalt zübinden/damit dann stim- Matth. 18.met/das der Apostel sagt/Thüt das böse von euch.

¶ So hat sie auch gewalt züm Gerichtszwang/dann wem da gebürt die macht züstraffen/dem müß auch die macht ges Gerichtszwangs zügestellt werden.

¶ Vnnd wann zweifelhaftig fragen fürfallen inn
D der

Römischer Keyserlicher

Acto. 15.

der Kirchen / so hat sie macht / von denen zu vrttheylen
vnd züschliessen / vnd das durch eynen Synodum oder
versamlung / vnd was sie dann im Heyligen Geyst recht-
messig versamblet / beschleußt / das ist zu achten / als hett
es der Heylig Geyst selbst geschlossen / wie dann geschri-
ben steht im Concilio zu Jerusalem / Es gefellt dem Hey-
ligen Geyst vnd vns / darumb soll man ohn zweifel hal-
ten / das die Concilia eyn heylsamen gewalt haben / Es
erweist sich auch auß dem Concilio zu Jerusalem / das
die Kirchen macht habe Gesetz zümachen / züm nütz der
Kirchen / deren gewalt alleyn dahin gericht sein solle / zü
erbarung / vnd nicht züm verderben oder zerstückung.

Von den Dienern der Kirchen.

Die Kirch hat auch eyn lehr / die jr von Gott ge-
geben ist / die man dem volck solle fürtragen / sie
hat eüßerliche Gottesdienst / die man Gottselig
vnd heylsam / züm nütz der Christen / handeln vnd lehren
soll / derhalben die Kirch sollicher Diener / die züm solchen
ämptern zünerwalten tüglich / nicht entraten kann noch
solle / vnd dise ämpter seind allen Christen nicht gemeyn /
aber Gott selbs hat von anfang etliche geben züm Apo-
steln / etliche züm Propheten / etliche züm Euangelisten / vnd
etliche züm Hirten vnd Lehrern / züm vollkommenheyt der
Heyligen / züm werck des Ampts / züm erbarung des leibs
Christi.

Acto. 15.

Darumb ist züm der Apostel zeit nicht allen gegeben
gewest / der gewalt der ämpter / sonder etlichen alleyn /
vnd die darzüm außgesündert sein / dann da züm Antiochiens
waren Barnabas / Lucius / Manahen vnd Saulus / da
sie dem Herrn dieneten (wie Lucas im den geschichten
der Apostel schreibt) vnd fasteten / sprach züm jnen der Hey-
lig Geyst / sündert mir auß Saulum vnd Barnabam /
züm dem

Maiest. Erklärung. 14

zū dem werck / darzū ich sie angenommen hab / darumb solle man sich hüten / das man das Geystlich Priesterthumb / welches allen denen / die der Heylig Geyst gesalbet hat / vnd Christen seindt / gemeyn ist / mit dem eüsserlichen / welches zūm dienst der Kirchen gehört / vnd nicht allen sonder alleyn denen / die darzū beruffet / vnd ordentlich bestätiget sein / gebürt / nicht inn eynander vermengen / Welches ohne merckliche vnd schädliche zerrüttung vnd verderben der Kirchen / nicht geschehen mag.

Vom obersten Bischoffe / vnd andern Bischoffen.

Und auff das die Kirch / die eynes Haupts / das ist / des Herin Christi eyniger Leib ist / dester leichter inn eynigkelt erhalten würde / wiewol sie vil Bischoffe hat / welche das volck / so Christus durch sein theures blut erworben hat / regieren / vnd das auß Göttlichen rechten / so hat man doch eynen obersten Bischoff / der den andern allen mit vollem gewalt fürgesetzt ist / Schismata vnd trennung zūerhütten / vnd das nach der Prerogatif vnd fürzüg / der Petro verlihen ist / vnd wie nütz solches sei / die trennungen inn der Kirchen zūerhütten / beweiset sich auß dem / das auß verachtung dises hohen Priesters offtmals trennung vnd spaltung entstanden seindt / wie es auch Ciprianus schreibt / vnd das werck selbs zeiget.

Wer nun den Stül Petri innen hat / als oberster Bischoff / der soll mit dem recht / damit es Petrus von Christo empfangen / da er sprach / Weyde meyne schaf / die ganz Kirchen regieren vnd verwalten / aber er soll sein gewalt / so er hat / gebrauchen / nicht zür zerstörung / sonder zür erbawung.

Und disen vollkommenlichen gewalt hat Christus
D ij Petrus

Römischer Keyserlicher

Petro vnd seinen nachkommen dermassen gegeben / das er doch den andern Bischoffen / das theyl irer fürsorge / so er inen beuolhen / damit nit benommen. Sonder hat gewellet / das sie inn iren Kirchen vnd Bistumben warhafftige Bischoffe / auß Göttlichen rechten sein / vnd solten alle Christen dem obersten Bischoff / vnd eyn jeder seinem Bischoffe sonderlich gehorsam sein / wie der Apostel sagt / seit gehorsam ewern vorsteheren / die da wachen für ewere Seelen.

Heb. 13.

Von Sacramenten inn gemeyn.

Die Sacrament seindt fürnemlich vmb zweyerley vrsachen willen / auß Göttlicher autoritet eingesetzt / Eyne / das sie gemerck vnd zeychen seindt der grossen versammlung / welchs ist die Kirchen / dann die leute kan man inn eynem namen nit zusamen bringen / sie werden dann durch etliche eüsserliche sichtbare zeychen vnd Sacrament inn gemeynschafft zusamen gezogen / derhalben hat vnser Herz Christus Jesus / die gemeynschafft des newen volcks / durch die Sacrament (der an der zal ganz wenig) auch zühalten ganz leicht / vnd inn der bedeytung ganz krefftig seindt / zusamen geknüpft / nemlich durch die Tauff / Firmung / Sacrament des Altars / Büssse / die letzte ölung / Priester Ampt / vnd Ehestand.

Die ander vrsach ist / das sie nit alleyn solchs bedeyten / sonder heyligen auch / vnd geben die vn sichtbar gnad Gottes / nicht auß eygner der eüsserlichen ding krafft / oder auß verdienst des Dieners / sonder auß krafft des Herrn Christi / der sie eingesetzt hat / vnd darinn verborglich würcket / derhalben gezimmet sich auch / das der Diener der Sacramenten frumb seie / wiewol eyn böser Diener dieselben auch nützlich außtheilen vnd reychen kan.

Von

Waiest. Erklärung. 15

Von der Tauff.

Sod für das aller erst / nach dem es dem menschen
not ist zur seligkeyt / das er zu eyner neuen crea-
tur geborn werde / seitmal er von Natur eyn
kindt des zorns ist / so hat Christus selbst das Sa-
crament der Tauff eingesetzt / das es sein soll das bad der
Widergeburt / welches dem menschen warlich ja so not ist
zum neuen vnd Geystlichen leben / als die fleyschlich ge-
burt zum natürlichen leben / Zu dem / so kan niemandt selig Iohan. 5.
werden / wie Christus selbs zeüget / er sei dann durch das
Wasser vnd Geyst new geboren.

Dis Sacrament wäscht vns / es heyliget vnd
rechtfertiget vns / dis Sacrament macht das wir erlang-
en / vergebung vnser sünden / der Erbsünde / vnd würck-
lichen sünden / endtlich so ist dis Sacrament gantzlich also
geschaffen / das / wer damit gewaschen wirdt / der zeücht
Christum an / wie Paulus schreibt / Dis Sacrament be-
steht aber im Wort Gottes vnd dem Wasser / dann als
baldt das Wort zum Element kömpt / so wirdt das Sa-
crament / Durch welchs baden wir new geboren vnd ge-
reyniget werden / von aller sünde / Darumb sollen wir ge-
dencken / so offft wir sehen / das durchs Wassereüsserlich je-
mandts Leib gewaschen wirdet / so offft würcke der Geyst
(den wir nit sehen) innwendig noch vil mehr.

Nun hat Christus den Aposteln / die form der wort /
one welche dise geheymnus nicht kan verrichtet werden /
selbst gegeben / do er inen gebotten hat / das sie Tauffen sol-
len im Namen des Vatters / vnd des Söns / vnd des
Heyligen Geysts / Auff disen beuelch des Herren steürt
vnd verlast sich / so offft die Tauff außgetheylt wirdet /
der glaube des / der die Tauff empfalet / wenn er alt ist / Für
die Kinder aber / der Glaub deren / so sie auß der Tauff be-
ben / vnd für sie bekennen / Ja auch der ganzen Kirchen

D iij Glaub!

Römischer Keyserlicher

Glaub/ vnd das wort des Dieners / der sich diß befelchs
gebraucht / wann er spricht / Ich tauß dich inn dem Na-
men des Vatters / vnd des Süns / vnd des Heyligen
Geysts / vnd wirdet geachtet / das es zu erweckung des
vertrawens vnd trosts der Alten / mercklich dienen solte/
das sie wissen / das die / so inn namen des Vatters / vnd des
Süns / vnd des Heyligen Geysts getaußt werden / auß
krafft macht vnd gewalt des Vatters / vnd des Süns /
vnd des heyligen Geyst geweiht vnd geheyliget / auch
ganz vnd gar mit Got versönet / vnd Gottes eygenthumb
werden / der da ist der Vatter / vnd der Sün / vnd der
heylig Geyst / in des schutz sie jetzunder treten / vnd verbün-
den sich mit eynem ewigen Bündtnuß mit Gott / so ferz / das
sie dem Teüfel / vnd allen seinen wercken absagen / vnd sa-
gen zu vnd geloben / das sie Gott ritterlich dienen wöllen.

¶ Was aber das ampt der Tauß belangt / wiewol
es den Priestern fürnemlich züsteht / so kan doch eyn Ley /
in fall der not / rechtgeschaffen / vnd nützlich taußen / vnd
ob auch schon eyn Ketzer taußet / wann er die materi / form
vnd die meynung recht brauchet / so soll man das Sacra-
ment nit vernewen / seitenmal es nit besteht inn der wir-
digkeyt des Dieners / Sonder inn der warheyt des wort
Gottes / vnd inn krafft des heyligen Geysts.

¶ Wiewol auch die Tauß / all vnser sünden wege
nimmet / nach der Schrifft / so nimpt sie doch nicht alle ge-
brechen vnd franckheyt der verderbten Natur hinweg /
wie oben auch angezeygt / dann es bleibt noch die begirlich-
keyt / die zum bösen reytzet / ob schon die schuldt wege
genommen ist / welche begirlichheyt nit auffhöret / so lang
wir auff diser Erden leben / wider den güten Geyst in
menschen züstreiten / inn welchem streit vns auch die krafft
der Tauß nicht verläßt / als die nicht alleyn auff eynmal
alle schuld der sünden hat hingenommen / Sonder stercket
vnser kressste durch den Heyligen Geyst / wider alle böse
lüste /

Maieſt. Erklärung. 16

lüſte/die noch im fleychß ſeindt/vnd richten krieg an zu vi-
len begirden vnd gedancken / Wir werden auch dardurch
gewapnet wider alle macht der lüſten / das wir inen kün-
den widerſtehn/vnd ſie überwinden/wie der Apoſtel ſagt/
Ir ſolt im Geiſt wandlen / vnd ſollet nicht erfüllen die
begirden des fleychß / Das ſei genüg von der Tauff.

Von der Firmung.

Eben wie dem menschen nit alleyn not iſt / zu dem
Leben ſeines Leibs / das er geboren ſei / ſonder das
er auch wachſe vnd zünem / Also iſt ime zur ſelig-
keyt nit alleyn not / das er wider geboren ſei / ſonder
müß auch im gütten beſtätigt / vnd durch die krafft des
heyligen Geiſts gemehret werden / Darzu dann ein geſetzt
iſt das Sacrament der Firmung / welches ſonderlich güt /
vnd von den Apoſteln gebraucht worden iſt / das ſie den
Samaritanen die hende auflegten / darvon ſie eyn nützlich
che krafft empfiengen / wie im geſchichten der Apoſteln ge-
ſchriben iſt / Vnd was die Apoſteln allhie gethon / das ha-
ben ſie im namen Chriſti gethon / vnd haben an Chriſti
ſtatt diß geheymniß / wie andre ſtück ires Ampts / einge-
fürt / Diß geheymniß aber iſt gegründet auff die verheys-
ſung Chriſti / von der gnade des heyligen Geiſts / vnd
ſeiner ſendung / Ich will ſenden die verheysſung des Vat-
ters zu euch / Item / Der Tröſter der heylig Geiſt / den
der Vatter ſenden wirdt im meinem Namen / der wirdt
euch alles lernen.

Vnd wiewol das Sacrament der Firmung im
anfang alleyn mit auflegung der hende gebraucht wor-
den / So hat doch die Kirch bald mit der Apoſtel zeit / auf-
anhebung derſelben / das ſie mit dem eiſſerlichen zeychen die
innerliche ſalbung des heyligen Geiſts anzeygte / das
Chriſma darzu gethon / mit andruckung des zeychens des
heyligen

Römischer Keyserlicher

Heyligen Creützes/Welche gewonheit vnd weise/die all-
gemeyne Kirche nit auffhöret (nach dem die gantz allt ist)
zübestätigen / vnd glaubt das Gott alle seine Diener / die
er durchs Wasser vnd Geyst newgeborn hat / auch mit
disem Sacrament dermassen zeychen lasse/das sie empfa-
hen den sibenfeltigen Heyligen Geyst / den Tröster vom
Himmel / den Geyst der weißheyt vnd verstandt / den
Geyst des raths vnd der stercke / den Geyst der erkant-
nus / der Gottseligkeyt vnd der forcht des Herrn / Dis
glaubt vnd zeugt die allgemeyne Kirch inn der aufspen-
dung diser geheymnus / welche die aller beste auflegerin ist
der geheymnus Gottes / Vnd wer anderst hellt / der ver-
laugnet/das sie sei eyn Säul vnd grundtfest der warheyt.

¶ Derhalben ist dis die krafft dises Sacraments /
das die / so hiemit Confirmiert werden/dise empfahe den
Heyligen Geyst / auff das sie inn dem weg der seligkeyt
fort schreiten/beharren/ vnd den anfechtungen vnd heym-
lichen lüsten des fleyschs/ der Welt/ vnd des Teufels se-
liglich widerstehn mögen.

¶ Auch dieweil der mehrer theyl der getaufften /
Jung vnd vnmündige kinder seindt / vnd für sich selbst
iren glauben nit bekennen künden/ So wer wol gut/wann
die Kinder / so nün zü iren verstendigen Jaren kommen /
vnd im Chrißlichen Glauben gnügsam vnderrichtet sein/
das Sacrament der Firmung empfahe wollen / das sie
mit irem munde den Glauben an Christum/vnd die gehor-
same der Kirchen bekennen / vnd würden nüchter / vnd ge-
beichtet mit disem Sacrament bezeychnet / wie es dann
im Concilio Aurelianensi beschlossen ist / Doch soll nit das
für gehalten werden / das darumb die gar Jungen Kin-
der von disem Sacrament sollen abgetriben werden /
Seitemal Christus selbst nicht scheühet / ihnen die hende
auffzulegen / dann man hiemit der Kirchen keyn maß ge-
ben soll.

Der

Maiest. Erklärung. 17

Der Diener aber dieses Sacraments / soll ein Bischoffe sein / welches auß der einhelligen verwilligung der ganzen allgemeinen Kirchen / vnd der Apostel vbung erweist würdet.

Vom Sacrament der Büße.

Wad nach dem die menschen / so newgeborn seind / oft inn schwere sünde fallen / so hat Christus das Sacrament der Büß eingesetzt / das es vns were nach der Tauff / wie das ander bret inn Schiffbruch / Dann zu diesem gebrauch hat er geben den Schlüssel auffzulösen / da er sprach / Nemet hin den heiligen Geist / welchem jr die sünde verzeihet / dem sollen sie verzeihen sein / Dann als bald den sündler seine sünde von hertzen gerewen / vnd das er mit ganzem vertrauen zu dem Thron der gnaden vnd barmhertzigkeit geht / vnd glaubt das er inn diesem Sacrament empfahe / das Christus zugesagt hat / so geschicht jm wie er glaubt / Dann dis Sacrament hat / was dabey zugesagt ist / Vnd wie die andern Sacrament / also hat auch dis die krafft zu heiligen / Dis Sacrament steht aber inn der Absolution des Priesters / welche gegründet ist in der einsetzung vnd dem wort Christi / der zu diesem ding sein gewalt den Priestern befolcht / da er spricht / Wie mich mein Vatter gesandt hat / also sende ich euch / Nemet hin den heiligen Geist / wem jr die sünde vergebet / dem seind sie vergeben.

Vund dieweil der Priester nicht allein gewalt hat zülösen / Sonder auch zübunden / vnd alle beide werden von Gott gegeben / So wirt darauf verstanden / das er empfahet gewalt zürichten / so weyt vnd ferz er diser beiderley Schlüssel gwalt empfahet / den er auch nicht gebrauchent

E müge

Römischer Keyserlicher

müige/er verstehe dan/wem er vergeben oder behalten sol/
Dise erkandtnuß aber kan er nirgendt anderstwoher be-
kommen/ dann auß der mündlichen beicht vnnnd erzehlung
der sünden/Dann nach dem vil sünden der menschen heim-
lich geschehen/ vnnnd die heimlichen sünden den menschen
auch verwunden vnd tödten/vnd seind oft schwerer vnd
gefährlicher/als die öffentlich beschehen/So kan der Prie-
ster hie von nicht gnügsamlich vrteilen/ der erzele vnnnd be-
kenn sie dann/ der sie begangen hat / vnd eröffne also seine
eigne wunden.

¶ Derhalb / welcher gestalt die arzney der Büßen
angezeigt ist/damit züheilen die sünden der menschen/Sol-
cher gestalt solle vns auch befolhen sein / die beicht des
Büssenden / mit erzehlung der sünden / Darumb / wie das
Sacrament der Büß als nützlich / löblich vnd nötig dem
Christlichen volck gelobt solle werden/Also auch die Beicht
vnd erzehlung der sünden/ Vnnnd eben wie man die nicht zü
weyt machen / also soll mans hinwiderumb nicht zü eng
gespannen/Dann wer erkent die sünden: Darumb solle man
die sünden erzelen/ die einem sündler/ der mit fleiß/ob gleich
wol nit so gar engstig/ darauff gedencckt/ vnnnd sich selber
besücht/zü gedechtnuß kommen / Die im aber nicht zü ge-
dechnuß kommen die mag er recht in die gemeine Beicht
einschliessen/ vnd werden eben so wol vergeben/ als het er
sie inn der Beicht erzelt / Vnd dieweil auß der Absolution
verzeyhung erholet wirdet / so legt die Beicht nicht sonil
beschwerung auff/ als trosts die Absolution dem glanbia-
gen bringt.

¶ Vnd wiewol die gnügthung / so die schuld vnnnd
ewige straff versünnet / allein Christo dem Herren solle zü-
geeignet werden/yedoch die ihenig gnügthung so da ste-
het inn den fruchten der Büß / fürnemlich inn Fasten/ Al-
müsen/ vnnnd Gebett (die werde gleichwol von vns willig
angenommen / oder von den Pfarthern vnd auftheilern
der

Maest. Erklärung. 18

der Sacrament / vns aufferlegt) wo sie im glauben vnd liebe verrichtet wirdet / schneidet sie die vrsachen der sünden ab / heilet den vberbelib der sünden / vnd nimbt wegt / oder mildert die zeitlich straff / wirdt auch andern zum vorbild nützlich gehalten.

¶ Vnd das man wider auff die Absolution komme / darinnen die krafft dises Sacraments steht / so soll jr forma vnd wort dermassen gestellet sein / das sie das Beichtkind hören vnd verstehn kan / das jm auß krafft / verdienst vnd wolthat Christi die sünden vergeben werden / nach seiner einsetzung vnd wort / welchen jr die sünden vergebt / dem sollen sie vergeben sein / dann die gnad / so alda gegeben wirdet / ist Gottes / die amptsuerrichtung aber ist des Puesters / wie Sant Ambrosius sagt .

Vom Sacrament des Altars.

Wer nun durchs Sacrament der Büss widerumb lebendig worden ist inn dem Herzen / dem ist auch von nöten das er mit speis erhalten werde / vnd im Geistlichen gut wachse / derhalben hat Christus eingesetzt das Sacrament des Altars / vnder sichtbarer gestalt Brots vnd Weins / welches vns gibt den warhaftigen leib vnd blüt Christi / vnd vereiniget vns mit jme / durch dise Geistliche speis / als dem haubt vnd gliedern seines leibs / also das wir inn jme / zu allem gütten auffgezogen / vnd erneeret werden / vnd das wir mit den heiligen inn gemeinschaft zunemen / durch die liebe / dann vnser vil seind ein brodt / vnd ein leib / dann wir alle gebrauchen vns eines Brots / sagt Sant Paul.

¶ Die forma dises Sacraments / seind die gebreüchliche wort / die Christus selbs geben hat / dann das ist mein leib / vnd abermals / dann das ist der Kelch meines blüts.

¶ ij Vnd

Römischer Keyserlicher

¶ Vnd wo wir nun Christo vnd seinem wort souil zü geben/ als wir sollen/ so ist kein zweyffel/ das so bald als die wort kommen züm Brot vnd züm wein/ so bald wirdet darauß das ware blüt / vnd der ware leib Christi/ vnd wirdt die substanz brots vnd weins inn den waren leib Christi/ vnd blüt verwandelt/ wer aber das leügniet / der zweifelt an Christi allmechtigkeit / vnd schilt in einen lügnier .

¶ Darumb soll man sich mit fleiß hütten/ das wir dis Sacrament nit vnwürdig niessen/ dann es ist geschriben / Wer vnwürdig isset oder trincket / der isset vnd trincket ime das gericht / vnd vnderscheidet nicht den leib des Herren / Derhalben seind vnder euch vil francken vnd schwachen/ vnd vil schlaffen / Vnd es nemmen dis Sacrament vnwürdig alle die / so eintweders dauon anderst halten / dann sich gebürt / oder nicht warhastig büßen/ Dann wie Sanct Augustin sagt/ So soll der sein leben bessern / der das leben empfaben will/ Dann wo er sein leben nit enderte/ so nimmet er das leben züm gericht/ vnd wirdt durch das leben mehr verderbt / dann geheylet/ mehr getödt / dann lebendig gemacht . Darumb ist hoch zü loben die gewonheit der Kirchen/ die den menschen nicht ehe füret zü dem Sacrament des Altars / er sey dann zünor durch das Sacrament der Büß gereiniget.

¶ Dis Sacrament hat krafft vns züstercken / inn Geistlichem güte / welche krafft keine statt finden kan/ wo die reinigung von den sünden nicht vorher gangen ist/ Vnd hierinnen sollen wir den güten ärzten folgen/ die nit vorher ärzney geben / die da stercken vnd krafft geben/ ehe sie die bösen feuchtigkeiten auß dem leib außgetriben haben/ Vnd wo sie das nit theten/so seind sie dem francken mehr schedlich dann nützlich / Vnd so vil mehr man sich hüten solle/ das man nicht vnwürdig dis Sacrament neme/ also vil

Waiest. Erklärung. 19

vil mehr trostes empfaben die dis Sacrament würdig vnd Gottseliglich nemen / vnd gedencen / das sie essen von dem brodt das von himel herab gestigen ist / vnd gibt das leben der welt / vnd bekommen hiedurch die ware Geistliche stercke wider alles böses.

Von der heiligen Ölung.

Die Sacrament / die wir nechst da oben gesetzt haben / die bringen vil grossen vnd manigfaltigen nutz dem menschen / da sie den alten menschen von der schwachheit des fleischs new geben / oder die newgebornen in der gnade / die sie empfangen haben / bestetigen / oder die so auß der gnaden gefallen sein / widerumb inn die gnade einsetzen / oder die wider eingesetzten mit Christo vil stercker vereinigen. Zu welchem heilsamen gebrauch / den Sacramenten nicht mangelt die gnade Christi / sonder die gnade wirdt vil mehr durch die Sacrament / als durch werckzeug den leuten außgeteilt / vnd wiewol dise Sacrament / dieweil wir in disem leben seind / allweg nützlich / vnd so oft vns von nöten / gebraucht werden / Doch auß das der mensch inn seiner krankheyt nicht one besonder hilff mangel hette / Welche inn seiner gefährlichen zeit / eintweder seinem leibe möchte zu hilff kommen / oder sein seele stercken / wider die fewrige pfeil des Sathans / so ist eingesetzt die heilige Ölung / darzu das gebett der Kirchen kommen solle / Dise Ölung haben erstlich die Marci 6. Apostel gebraucht / welche auß befehl des Herren außgeschickt zu predigen das Euangelium / die Teuffel außzutreiben / vnd salbeten mit Öl die krankten / vnd wurden gesund / Welche salbung one zweiffel Sacramentlich / vnd in geheimnis / nicht als ein artzney oder leiblich gewesen ist / zu welcher im anfang des glaubens / auch die eüsserliche

£ iij gesundtheit

Römischer Keyserlicher

gesundheit des leibs / als ein sonderlich zeichen der innerlichen gesundheit eruolgt ist / wie dann auch inn den andern Sacramenten (den vngewübten glauben damit zübestettigen) die innerliche krafft / durch eüsserliche vnnnd greiffliche zeichen vnd mirackel erweist warde / Aber yetzund bedarff der alt vnnnd beuestigt glaub der zeichen nit / die man den schwachen geben müß.

¶ Den gebrauch aber diser heilsamen vnd heimlichen salbung vom Herzen erst gegründet / wie man sie auftheilen solle / hat der Apostel Jacobus an tag geben / Ist yemand franck vnder euch / der berüffe die Priester der Kirchen zü jme / auff das sie vber jn betten / vnd salben jne mit öle / im namen des Herren / vnnnd das gebet des glaubens wirdet den francken gesund machen / vnd der Herz wirdet jn erleichtern.

¶ Wie groß aber inn der Kirchen die zeügknus dieses Brüders des Herren sein solle / Ja auch dis gebot das er geben hat / als ein Legat vnd Apostel Christi / das hat freilich Christus so vest wöllen gehalten haben / als hette er es selbst gethon / Darumb wer dis Sacrament veracht / der veracht Christum selbst / vnd sein gnad / welche er vns durch dise heilige ölung / gleich als dar reicht / vnd dise verachtung ist souil schedlicher / ye grösser die gefehrlichkeit ist darinnen der franck ligt / nicht allein seines leibs / sonder auch seiner seelen / in welche gefehrlichkeit jn die gewalt der finsternus führen / seitmal sie inn den letsten zeiten des lebens / alle ire macht vnd gewalt versüchen / des menschen seligkeit außzuleschen / vnnnd vnderstehn sich sein hertz mit vnglaublichen schrecken züschwechen / vnd zür verzweiflung züdringen.

¶ Zü dem lernet der Apostel Jacobus / das man dise heilige ölung allein den francken mittheilen solle / welliches die andern Apostel auch also gehalten haben / doch nicht in allen / Sonder allein inn den aller gefährlichsten franckheiten /

Waiest. Erklärung. 20

ten / vnd wo man sich des abschids auf disem leben versehen muß.

Vom Sacrament der Priester Weyhe.

WAs aber den dienst der Kirchen belangt / nach dem es ein sehr groß Ampt ist / so bedarffe es dester mehr gab vnd gnad Gottes / Dann ob wol alle Christen Priester seind / seytemal sie Geistliche Opffer Gott auffopffern / vnd seinen namen an allen orten nützlich anruffen mügen / so seind sie doch gleich wol nicht alle Kirchen diener / sonder von anfang der Kirchen bis hieher seind etliche aufgesündert worden zum dienst der Kirchen / die sich derselbigen ämpter gebrauchen / Vnd Gott hat dieselben also gescheiden / das einer nicht alles künde / vnd das auch auf solcher vermengten weyse kein vnordnung erwüchse / Dann Gott ist nicht ein Gott der verwirrung / Darumb ist nun dis Sacrament eingesetzt / mit dem zeichen der auflegung der hende / vnd mit andern gebreüchen / die sich zu disem Sacrament wol zümmen / auff das die / so zu den ämptern der Kirchen geweyhet werden / empfaben gnad / dadurch sie dieselben ämpter zünerwalten geschickt / tauglich vnd bequem wurden / Daher gehört der Spruch des Apostels zum Timotheo / Verachte nit die gnad / die inn dir ist / die dir gegeben ist / durch die weiffagung mit auflegung der hende des Priesterampts.

Dis Sacrament der Weyhe steht inn disen worten Christi / Wie mich mein Vatter gesendt hat / also sende ich euch. Nemet hin den heiligen Geist / welchen jr die sünde verzeihet / den sollen sie verziggen sein. Item / Gehet hin inn die ganzen welt / vnd prediget das Euangelium allen

Römischer Keyserlicher

allen Creaturen. Item/ Gehet hin vnd lernet alle Creaturen/ vnd tauft sie. Item/ Das thut zu meiner gedechtnus. Derhalben/wem die Bischöff inn disem allwegwerenden herkommen / vnd Succession der Kirchen/ die hende auslegen/vnnd zu disen ämptern weyhen / so geben sie inen gewalt jr ampt aufzurichten. Nun ist der gewalt zweierley/nemlich des Ampts vnd des Gerichtszwangs/Vnder das erst gehört das Ampt des Göttlichen worts/die aufspendung der Sacrament/ vnnd die ordnung der Kirchen zu der erbarung/ Vnder das ander Ampt/ fallet der gewalt des Banns / vnd die Büßenden von sünden zu entbinden. Die Orden aber vnd ämpter/welche die allgemeine Kirchen erkennen / seind dise siben/ Der Priester/ Euangelier/ Epistler/ Acoluthen/ Leser/ Beschwerer/ vnd Thürhüter / Welche ämpter / wie sie vnderscheiden seind / also soll man sie als nötig vnnd nützlich inn der Kirchen auftheilen/also das der/ vbel an der Christlichen Kirchen handelt/welcher dise ämpter verachtet vnd auffhebt.

Vom Sacrament der Ehe.

Sott hat im Paradeis den Ehestand eingesetzt / dardurch Man vnd Weib zu einer ewigen vnd unzertrenten gesellschaft des lebens zusamen gegeben wurden / nach dem wort des Herren / Darumb wirt der mensch vatter vnd mütter verlassen/vnd seinem weib anhangen/vnd werden sein zwey inn einem fleisch.

Matth. 19.

¶ Vnd wiewol der Ehestand zu solcher engen gesellschaft der menschen eingesetzt was / doch ist der vnder dem geseze der Vätter zweierley weise inn vnordnung gerathen/ von seiner ersten einsetzung / Ein mal das einer vil Weiber neme / vnd wenn er sie genommen hette/möcht er sie zu gelegner zeit durch den Scheidbrieff von sich lassen/

Maieſt. Erklärung. 21

ſen/welches erſt auß Gottes nachlaſſen erlaubt was/ vnd dienet auff die geheymnuß der zukünfftigen zeit / alſo das eben hierauß angezeygt würde / wie eyn man vil Weiber hette/ alſo ſolte Chriſtus ime eyn Kirchen ſamben/ ſo wol auß der menge der Heyden/als auß der Synagoga/ vnd das ſie Chriſto dem Heylandt / ſo auß irem ſamen geboren werden ſolt / mit der fruchtbarkeyt viler Weiber dienen.

¶ Den Scheydbrieff aber hat Moſes dem volcke vmb irer hertzen hertigkeyt willen zügelaffen/dann er hat leichter geachtet/das eyn man eyn weib/ wann er jr feind ward/von ſich ließe / als das er ſie erwürget hette / auß das er durch den mordt / zükünfftigen heyraten ime eyn weg öffnete. Deut. 24.
Matth. 19.

¶ Aber nach dem die vollkommenheyt der gnaden kommen iſt / vnd Chriſtus alles im Himmel vnd Erden vernewet / hat er auch den Eheſtand zü recht gebracht / Da er ſagt / Der den menſchen ſchüß von anfang / der ſchüß eyn Menlein/vnd eyn Weiblein/vnd ſprach/ Darumb wirdet der menſch verlaſſen Vatter vnd Mütter / vnd ſeinem Weib anhangen/vnd es werden ſein zwey im eynem fleiſch / derhalben was Gott züſammen gefüget hat/das ſoll der menſch nit ſcheyden/ vnd hernach Moſes hat euch den Scheydbrieff erlaubt/ von wegen ewres hertzen hertigkeyt / von anfang aber / was es nit alſo/ darumb eyn jeder der ſein Weib verläßt (es were dann vmb der Hürerei willen) vnd nimpt eyn andere/der bricht die Ehe/ welches der Apoſtel außlegt/da er ſpricht/denen die Ehelich ſein gebeüt nicht ich/ ſonder der Herr/das ſich das Weib von dem Mann nicht ſcheyde/ſcheydet ſie ſich aber/ das ſie ohne Ehe bleibe/oder ſoll ſich mit irem man widerumb verſünen. Matth. 19.
1. Cor. 7.

¶ Vnd diſe ſonderliche eygenſchafften eyner Chriſtlichen Ehe / werden durch clare Sprüch der ſchriſt erweiſet/

ſ
weiſet/

Römischer Keyserlicher

Gene. 2. weiset / Eyne / das die Ehe seie eyn zůsammenfügung
zweyer alleyn / das ist eyns mannes mit eynem weibe /
Matth. 19. Dann Gott spricht / Es werden zwey sein inn eynem
leibe / Vnd ist sollichen mit erlaubt seinem Ehgemahel zům
nachtheyl / eynem dütten den gewalt seines leibs zů ver-
günnen / dann der Apostel verbeüt / da er spricht / Das
Weib hat nit jres leibs gewalt / sonder der Mann / Der-
gleichen der Mann hat nichts seines leibs gewalt / sonder
das Weib. Die ander eygenschaft ist / das das Band
der Ehe eynmal zwischen zweyen zůsammen verbunden /
durch keyne ferzer scheydung / sonder durch des eynen
theyls absterben / alleyn soll vnd müge auffgelöst werden /
Dann da Christus meldet / das man eyn Weib vmb der
Hürerei willen lassen müg / wirdet durch dieselbig schey-
dung alleyn die bewonung zů Bett vnd Tisch auffgeha-
ben / aber nit das Band der Ehe erlediget / Das also eyn
jeder der sich zů eyner solchen gelasnen verheirat / als mit
eynes anderen Eheweib / den Ehebruch begeht.

¶ Dieweil nün Christus den Ehestandt / durch sein
gnad gebessert hat / vnd etwas enger zůsammen gebunden /
also / das gleich wie Christus eyn eyniger Brütigam ist /
seiner eynigen Braut / vnd das mit unzertrennlicher ver-
pflichtung / Also soll auch eyn Mann eynes Weibs Mann
sein / vnd das mit ewiger zůsammenfügung / Gleichertwei-
se / als Christus mit seiner eynigen Kirchen vnd gesponsen
ewigklich verbunden ist / Darumb ist der Ehestandt nicht
alleyn eyn zůsammenfügung Manns vnd Weibs / sonder
auch eyn Sacrament / vmb der gnade Christi willen / die
jr nimmermehr mangelt / Also soll der Mann sein Weib
lieben / wie Christus sein Kirchen / vnd solle die unzertren-
te gesellschaft erhalten / das er sich an eyner genügen las-
se / vnd scheyde sich von der nicht / ohne jren willen / aufge-
nommen die vrsachen / welche inn Göttlicher schrift auf-
getruckt seindt / Vnd dieweil Gott / durch seine gnaden /
den

Maieſt. Erklärung. 22

den Eheſtandt erhellt / vnd läßt in jme gefallen / wo ſich
leütte darein begeben / ſo iſt eyn hohes zeychen / das ſie zu
hoffen haben / das jre beivonung für ſich ſelbſt güte / vnd
Gott wolgefellig ſei / Vnd wiewol der Eheſtand für
nemlich angefangen ſoll werden / vmb der Kinder zucht
willen / Redoch wer Ehelich wirdt / Hürerei züermei
den / der ſündiget auch nicht / Dann ſant Paul ſagt /
Eyn jeder hab ſein Weib / vmb der Hürerei willen / Dar
umb iſt das die krafft diſes Sacraments / das die Eheleit
wiſſen ſollen / das ſie nit auß menſchlichem / ſonder auß
Göttlichem gewalt zuſammen kommen ſeindt / vnd haben
die gnad empfangen / das jnen das Ehlich beichlaſſen nicht
zügerechnet / als eyn Sünde / Das auch eyn Chriſt eyn
Heydnisch Weib / wann ſie bei jme bleiben will / heyliget /
vnd zeüget heylige / das iſt / Gott zügeeignete Kinder / dar
durch er auch ewige trew ſeinem Ehegenossen haltet / dann
es ſeindt zwey inn eynem fleysch / vnd dardurch auch eyn
glaubigs Weib ſelig wirdet / durch Kinder geben / wann
ſie bleibt im Glauben / vnd der liebe / vnd der heyligung mit
zucht / darumb kan es eyn ehlicher Eheſtand / vnd inn jme
eyn vnbeſleckt Beth ſein.

¶ Vnd dieweil die Manicheer / Tatianer / vnd En
cratiten ſolches nicht gewüßt / haben ſie nicht geſcheühet
den Eheſtandt züſtraffen / welcher müßwilligen boſheyt
Paulus der Apoſtel ſtraffet / als ſei ſie von des Teüfels
lehr herkommen.

¶ Das band des Eheſtandts iſt ja dermaßen / vnd
hat ſolche krafft zübinden / das kein Bandt menſchlicher
vereynigung / eyn menschen dem andern mehr vnd vetter
verpflichtet / welliches als Adam im Paradeis mercket /
hat er von dem Weibe / die Gott auß ſeiner Rippe
gemacht hette / also geredt / Das iſt eyn beyn auß meinem
beynen / eyn fleysch von meinem fleysch / deſhalben ſie die
Männin genennt werden ſolle / weil ſie auß dem Mann
S ij genoma

Römischer Keyserlicher

genommen ist. Derhalben eyn mensch seinen Vatter vnd Mütter verlassen / vnd sich zu seinem Weib halten solle / vnd es werden zwey inn eynem fleysch sein.

¶ Darumb dieweil der Väterlich gewalt / diser vereynigung des Ehstandts / von rechts wegen weichen muß / soll man die nicht hören / die zu vnsern zeitten wollen / das die Eh oder versprochne Heyrat / widerumb zertrennt werden / vnd nicht gelten sollen / wo der Eltern bewilligung nicht darbei gewesen ist. Hiemit wollen wir aber dem gehorsam nichts abziehen / den die Kinder jren Eltern schuldig seindt / sonder wollen nicht / das die Eltern inn ver hinderung oder trennung der Ehe / jren gewalt mißbrauchen sollen / Weil wir aber doch der erbarkeyt gemess achten / das die Kinder sich nit verheyraten sollen / ohne rath vnd bewilligung jrer Eltern / sollen sie was jnen diß falls zuthun gebüren wolle / durch die Prediger fleissig vermanet werden.

¶ Ob aber die Eltern inn diesem fall macht haben sollen den vngheorsam jrer Kinder / mit vorhaltung der Erbschafft / oder zum wenigsten mit ringerung des heyra thgüts / vnd inn andere wege zustraffen / mag hierinn die ordenlich Oberkeyt / souil sich gebürt / maß vnd ordnung geben.

Vom Opffer der Heyden.

Sleicherweiss als die Natur eingefürt hat die Religion / one welche keyne Heyden leben / Also auch die Ceremonien / ohne welche die Religion nicht kan noch pfeget / volbracht werden / Vnd vnder den Ceremonien haben die Heyden zu aller zeit das Opffer / als für die fürnemsten gehalten / Vnd wiewol die Heyden / wie Cyprianus bezeügt / die beschneidung als Tyrannisch / vnd der Natur zuwider / gescheücht / haben sie doch anders Opffer nicht verworffen / sonder inn vilen stücken dem

Waiest. Erklärung. 23

Dem natürlichen Gesetz genolget / vnd die werckzeug der
versünung behalten / vnd seindt inn dem Gottes dienst als
vihe zu opffern / das feyst anzüzünden / vnd auff die Kir-
chen zügiessen / vor Gott eyn Glübdt zühün / vnd zübet-
ten / welchen die Natur den menschen eingepflanzet / vnd
Gott von Himmel inn aller menschen gemüt gemeyn ge-
macht hat / beharret / Vnd haben also alle Heyden dis inn
gemeyn / vnd als were es jnen inn ire gemüt geheffret / vest
gehalten / das sie eynhelliglich geacht haben / das alleyn
Gott gebüre der dienst eynes eüsserlichen Opffers.

¶ Dann niemandt hat recht gedeycht / jemandt durch August. de
ciuit. Dei
lib. 10. ca. 8 eyn eüsserlich Opffer zü ehren / dann den / den er gewiß
darfür gehalten oder erdicht hat / das er eyn Gott sei /
vnd das diser Gottsdienst allt seie / beweiset der zweyer
Brüeder Cain vnd Abels Opffer / dann den ersten hat
Gott sampt seinen gaben verworffen / vnd verstoffen / Aber
des jüngern Opffer hat Gott genädig angesehen.

¶ Dise weise aber züopffern / hat Gott (der da will
alle menschen selig machen) inn aller menschen hertzen ein-
gepflanzet / diser vrsach halben / Dann nach dem das ganz
menschlich geschlecht / vmb eynes menschen sünde willen /
des zorns Gottes / vnd der ewigen verdammus schuldig
gehalten ward / vnd war die verdammus dester schwä-
rer vnd gefährlicher / so vil sie von tag zü tag ir Sünde
mit sünden hauffeten / vnd reytzen wider sich den gerech-
ten zorn Gottes / Da aber Gott nit wolte / das die / die er
geschaffen hett / verderben solten / hat er dem menschlichen
geschlecht eyn Nitler vnd versüner verordnet / der vnns
mit vnserm Schöpffer versünete / vnd stillete durch eyn
sonderlich Opffer den gerechten zorn Gottes / Derhalben
hat Gott auß grosser Liebe seinen Sün mit vnserm
fleysch vmbgeben / inn die Welt geschickt / welcher vnser
sünden auff sich genommen / vnd sie an seinem Leib ans
Creütz getragen / Auch sich selbst für vns züm Opffer
f üj dargeben /

Römischer Keyserlicher

Hebr. 9. dargeben/ vnd damit durch sein eygen blüt/da er eynmal
inn das Heyligthumb eingangen ist/ die ewig erlösung er-
langt hat.

1. Cor. 6. ¶ Durch dises aller theuristen Opffers gerüch/ ist
der Vatter erweyhet/hat den zorn fallen lassen / vnd die
menschen die vor inn den sünden ersoffen/auch vnreyn/vn-
gerecht / vnnnd der verdammnus schuldig waren / jezundt
durch das blüt seines Süns abgewaschen / entbunden /
gerechtfertigt vnd mit ime versönet.

¶ Vnd dieweil dises eynigen Opffers krafft vnd ster-
cke nit alleyn der zeit / da sich Christus im fleysch zu eyn-
nem opffer hat dargegeben/gedienet hat/Sonder auch in
sich alle zeit beschleüßt/So ist es genüg gewesen/aller men-
schen sünden züuertilcken/die von anfang der Welt gewe-
sen seindt / vnd bis ans ende der Welt noch sollen geboren
werden.

2. Cor. 5. ¶ Dann Gott warhafftiglich inn Christo / mit im
Iohan. 1. selbs die Welt versünet hat/ Vnd sihe das Lamb Gottes/
1. Iohan. 2. das die sünde der Welt hinnimpt / Vnnnd er ist die versü-
nung für vnser sünden/vnd nit alleyn für die vnsern/son-
der auch für die sünden der ganzen Welt / Man begreiffet
Apocal. 2. die Welt nicht eyner / sonder aller zeit menschen / Daher
wirdt Christus genannt eyn Lamb / das von anfang der
Welt getödtet ist/ dann sein blüt hat aller zeit von anfang
der Welt die sünden gereyniget.

Hebr. 10. ¶ Von disem Opffer / das alleyn gnüg gewesen ist /
das ganze menschlich geschlecht zü erlösen/sagt sant Paul/
Coloß. 1. Mit eynem Opffer hat er vollkommen gemacht inn ewig-
keyt die geheyligten/dann es ist das wolgefallen gewest/
das inn ime alle völle wohnen solle / vnnnd alles durch ime
versünet würde/ zü im selbst / vnd hat zü friden gestellt /
durch das Blüt am Creütz / alles was auff Erden vnnnd
inn Himmel ist/vnd hat im gefallen alles zü vernewern in
Christo / was inn Himmel vnd vff erden ist/ Vnd in Esaiä
sagt

Waiest. Erklärung. 24

sagt er / Ich alleyn hab die Kälter getretten / vnd von seinen heülen vnd malen seindt wir geheylet worden. Ephes. 1.
Esaiæ 53.
Esaiæ 638

¶ Auff das aber dises so kräftigen Opffers / welches aller menschen heyl vollkommenlich / gnügsam vnd vberreichlich erworben hat / alle menschen teylhafftig würden / vnd seinen nütz auff sich brechten / So hat Gott von anfang der Welt vnder dem Gesetz der Natur auf Göttlichem einsprechen / inn der menschen hertzen / die weise zu opffern erweckt / vnd hat baldt / da er das Gesetz gegeben / manicherley Opffer angezeygt.

¶ Welcher aller gebrauch / nit der war / das sie die menschen mit Gott versünen / oder die seligkeyt verdienen möchten / sonder das durch die eufferliche Opffer eyn starke gedächtnis des künstigen Opffers / inn welchem Gott allen die erlösung zugesagt / inn den hertzen der menschen erweckt / der Glaub bestätigt / vnd seine frucht / denen die da glaubten / vnd inn die krafft des künstigen opffers hofften / zugeeygnet wurden / vnd so oft die menschen dises Opffer begiengen / das sie mit dancksagung gedächten der vilfältigen wolthaten / die sie täglich durch sein güte empfingen / auch ihrer seligkeyt / die sie durch den versprochen versüner empfahen solten.

¶ Derhalben hat Gott weder vnder dem Gesetz der natur / noch vnder dem Gesetz Moysi / keyn Opffer für sich selbst gefallen / seitmal er oft bezeüget hat / das er der dinge / die man inn Opffer nicht bedürffte / Wann mich hungert (sagt er) so will ichs dir nit sagen / dann der gang freys der Erden ist mein / vnd alle sein völle / meynst du ich wölle Ochsenfleyß essen / vnd Bocksblüt trincken? Aber so weit als dise sichtige Opffer / des vsichtigen vnd zukünstigen Opffers Christi / geheymnis vnd bedeutung waren / vnd dann jemandt inn dem Glauben des von Gott verheypnen versüners geopffert vnd volbracht dise eufferliche Opffer / darumb das er damit anzeygte den Psalm. 49.
Glauben.

Römischer Keyserlicher

Glauben inn den zukünfftigen Chrustum / vnd brächte also an sich die frucht dises heylsamen Opffers / des er jetz inn Glauben geneußt / vnd mit vester hoffnung wartet / vnd erzeygte auch damit Got für solche wolthaten sein danckbar gemüt / warlich dise Opffer waren Gott gefellig / vnd auch heylsam / dem / der sie opffert / nicht durch jr eygne krafft / sonder inn krafft des zukünfftigen opffers / welche sie durch den Glauben / dem / der sie volbracht / zueygneten.

Hebr. 10.

¶ Vnd vff das man die art der Opffer klar verstehe / so ist nun eyn verdienstlich Opffer / welliches krefftig ist / die sünden der menschen zütülcken / vnd hat die menschen / so von Gott abgescheyden / auch seines zorns / vnd der verdammung schuldig waren / versünet / vnd dem ganzen menschlichen geschlecht die ewig seligkeyt vnd erlösung verdient / nemlich dis heylsam Opffer Chrusti / dardurch er / da er sich am Creütze für die sünde der menschen / zum Opffer dargeben / inn ewigkeyt die geheyligten vollkommen gemacht hat.

Hebr. 10.

¶ Welches verdienst nicht zunimpt / dann es ist vollkommen / es wirdet auch nicht geringert / oder aufgeschöpft / dann es ist ewig / Daher auch die anderen Opffer disem Opffer nichts zusetzen / vnd sie verdienen auch durch sich selbst nichts / sonder eygnen zu den glaubigen den nutz dises eynigen Opffers / vnd dienen zu erweckung vnd erhaltung in den hertzen der menschen / dises einigen Opffers / gedächtnus / vnd iren Glauben zu bestäten / auch Gott für alle seine wolthaten danckbarkeyt zu erzeygen.

¶ Es sein aber solcher Opffer / dardurch man die gnad an sich zeucht / etliche allen Gesezen gemeyn / vnd allen menschen erlaubt / als da sein / das Opffer eynes zerschlagen hertzens / vnd gedemütigten Geysts / auch die tödtung des fleyschs / von wegen Gottseligs Lebens angenommen / das Opffer der lefftgen / des Gebets / der dancksagung / vnd des lobs / vnd was dergleichen mehr sein.

Es

Maies. Erklärung. 25

¶ Es hat auch ein jegklich gesetz ettliche eigne Opfer gehabt / vnd zu verrichtung derselben / etlich sonderere personen verordnet / vnd die andern mit grossen tröwen vnd straffen / auff das sie solche opffer mit volbrächten / abgetriben / Dann kein gesetz / wie auch keiner Heiden Religion / ist on opffer gewesen / sonder dise drey / das Gesetz / Priesterthumb vnd opffer sein zusamen gebunden / vnd eins volgt not halben dem andern nach. Hebre. 7.

¶ Also haben die frummen menschen / so vnder dem gesetz der natur / vnd von den zusagungen Gottes vnderwissen waren / im glauben ire opffer geopffert / auff den zukünfftigen Heiland / dann sie wisten / das er kommen solte / mit wellichem opffer sie anzeygen / den glauben vnd die hoffnung / auff das künfftig heil / auch ire danckbarkeyt / für solliche wolthat / vnd begerten embsigklich / das inen der verdienst desselbigen opffers / das sie künfftig hoffeten / möchte zu hilff kommen / Dise weise haben die Heiden auß heimlichem eingeben / so inn ire hertzen gepflantz / nachgefolgt / vnd haben mit opffern versünen wollen / nicht den rechten Gott / sonder den sie eintweders meinten er were Gott / oder den sie als für Gott erdichteten.

¶ Da aber nun das Gesetz Moysi zu dem gesetz der Natur kommen ist / hat er das nicht auffgehoben / sonder besser gemacht / vnd ettliche eüsserliche opffer eingesetzt / welche bedeüten solten / das zukünfftig opffer Christi / Vnd so oft die Juden dise opffer volbrachten / das sie dabey mit dancksagung aller anderer wolthaten Gottes gedencken / vnd damit auch die krafft des zukünfftigen opffers / durch glauben / hoffen vnd betten / an sich ziehen solten.

¶ Christus aber / der nicht kommen ist / das Gesetz / sonil die Natur vnd die sitten belangt / auffzulösen / sonder vil mehr zu erfüllen / Da er sein newes Gesetz (dann er hiez vor durch Hieremiam verheissung gethon) inn die welt einfüret / damit er solch sein Gesetz allein dis orts / wider Hierem. 31.

G den

Römischer Keyserlicher

den gemeinen gebrauch der vorgehenden Gesetz/ nit mangelhaftig oder vnuolkommen bleiben liesse/ so hat ers mit einem sonderlichen opffer/ desgleichen auch mit einem Priesterthumb begabt / Dann es war not / nach des Apostels meinung/ dieweil ein neues Gesetz kam / das auch ein neues opffer diesem gesetz nachfolgen solle / vnd das man Priester als Diener dieses opffers annemen müste.

¶ Inn welchem ort des Gesetzes/ das warlich gut/ heylig vnd Gottselig ist/ hat vnser Herr Jesus Christus/ auff das er seiner Kirchen nichts manglen liesse/ im letzten Abendmal / da er seinem Vatter gedanckt/ das Sacrament seines leibs vnd blüts eingesetzt / vnd alsbald zweierley breuch desselben befolhen / Nemlich das es von den glaubigen/ als ein selige narung ihrer seelen genommen wurde/ Nemend hin (sagt er) vnd essend / Vnd das es auch zu seines leydens gedechtnus/ geopffert wurde/welches opffers ampt er den Aposteln / als des neuen gesetzes Priestern/ beuolhen hat/das thut (sagt er) zu meiner gedächtnus.

¶ Gleich wie nun vor der zukunfft Christi/Gott den vätern etliche gewisse opffer gegeben hat/dardurch sie die gedechtnus des grossen opffers / des sie zukunfftig erwarteten/inn ihren hertzen erweckten / den glauben bestetigten/ vnd zueigneten jnen desselben nutz/durch glauben vnd beten / auch mit danckbarem gemüt der wolthaten Gottes gedechten / also hat Gott seiner Kirchen ein reines vnd heilsams opffer seines leibs vñ blüts/ vnder gestalt Brots vnd Weins beuolhen / dardurch wir on vnderlaß die gedechtnus seines leibs vnd blüts/das für vns vergossen ist/ inn vnserm hertzen verneweten/ vnd den nutz des blütigen opffers/ in welchem er die geheiligten in ewigkeit vollkommen gemacht hat/an vns brechten/dann das heist solches thun zu seiner gedechtnus / nemlich mit danckbarem hertzen betrachten/den tod des Herrn/ vnd durch die gedechtnus

Hebr. e. 10.

Maist. Erklärung. 26

nus vnd verdienst seines leidens / den vatter bitten / das er vns wölle gnedig sein.

G Das ist das rein vnd heilsam opffer / ein widergedächtnus des einigen opffers / dardurch allen menschen heil erworben ist / vnd bedeutet mit allein / sonder begreiffet auch warhafftig die warheit deren dingen / so durch die opfferung manicherley opffer etwa bedeutet worden sein / vnd nemlich ist / eben die Hostia des leibs vnd bluts Christi / die auch am Creutz geopffert ist / vnd kein andere / auch das selbig Lamb / vnd kein anders / vnd beider orten ein Christus / der aber dazumal blütiger vnd leidender weise geopffert worden ist / durch welches opffer er allen gläubigen die vergebung der sünden / vnd die erlösung gnügsam erlangt hat / Aber nun opffern wir denselben vnder einer geheimnus / auch vnblütiger vnd vnleidender weise / nicht / das wir dardurch vergebung der sünden / vnd das heil vnser seelen nun aller erst verdienen / sonder das wir die gedechtnus des leidens Christi betrachten / vnd zu gemüt führen / Gott dancken für das heil / das vns am creutz erworben ist / vnd alda vns zueignen die verdiente vergebung der sünden / vnd die erlösung durch glauben vnd hertzliche andacht.

G Dis heilsam opffer hat Malachias im Geist geschrieben / da er spricht / Ich hab kein gefallen an euch / sagt der Herr Zebaoth / vnd will keine gab annemen von eweren henden / dann vom auffgang der Sonnen / bis zum nidergang / ist groß mein namen vnder den Heiden / vnd an allen orten wirdet geheiligt vnd geopffert meinem namen ein reines opffer / Welche Prophecey nicht kan von den Geistlichen opffern allein verstanden werden / welche keines gesetzes eigen / sonder allzeit allen menschen gemein gewesen / vnd seind mit den alten opffern alwegen vermischet beliben / aber es wirdet gnügsam erwisen / auß des Propheten worten / das er redet von dem opffer / welches nach auffhebung

G ij der

Römischer Keyserlicher

der alten opffer an jr stadt volgen vnd kommen solte/derhalbten dann dise wort recht verstanden werden/ von dem aller heyligsten opffer Christi / gleychwol nicht von dem/ da er sich am Creutz für die sünde des menschlichen geschlechts geopffert hat (dann das nicht vnder den Heyden/ noch an allen orten/ sonder allein im Judea vollendet worden) sonder von dem opffer/ das die Kirchen auf den Heyden versamlet / durch den vmbkreis der gantzen welt opffert / zu gedechtnus des Todts des Herren / vnd sein krafft im die glaubigen aufzügießen / vnd dises Spruchs klarer verstand / wirdt durch der alten Väter zeügnus bestetigt.

Ireneus lib.
4. contra
Heres. ca.
12.

¶ Dann Ireneus spricht / er hat das Brot / so von natur war / genommen / vnd hat gedanckt / sprechend / Das ist mein leib / Des gleichen auch den Kelch / welcher ist nach der Creatur / welche bey vns ist / vnd hat bekent es sey sein blüt / vnd hat geleret des neuen Testaments ein new opffer / welches die Kirchen von den Aposteln empfangen / vnd opffert es Gott im der gantzen weiten welt / von welchem Malachias auf den zwölff Propheten also hat geweissaget / vom auffgang bis zum nidergang wirdet mein nam gepreiset vnder den Heyden / vnd wirdt ein rauch opffer geopffert meinem namen / vnd ein rein opffer.

Con: ad=
uers: leg:
lib. 1. c. 20.

¶ Augustinus sagt / es wissens die es lesen / was Melchisedech herfür getragen hat / da er Abraham segnet / vnd so sie des teilhafftig sein / so sehen sie / das yetzt eyn solch opffer Gott durch die gantz welt geopffert würdet / daher eyn anderer Prophet sagt / zu dem Israhel nach dem fleisch / Ich hab kein gefallen an euch 2c.

¶ Ambrosius zeüget also von disem opffer des neuen Gesetz / zünor ward ein Lamb geopffert oder ein Kalb / yetzt wirdet Christus geopffert / als neme er sein leyden wider an sich / vnd opfferet sich selbst als ein Priester.

Chrysostramus

Maieſt. Erklärung. 27

¶ Chryſoſtomus/Opffern wir nicht alle tag: Ja wir opffern / aber wir thun es zu gedechtnus ſeines Todts/ vnd diß iſt eyn einiges opffer / nit vil / wie iſt es aber eyn einiges opffer/vnd nit vil: Darumb das diſes opffer einmal geopffert / iſt es inn das heiligthumb der heiligen geopffert worden/vnd diß vnſer opffer / iſt eyn exempel deß creutzopffers/vnd daſſelbig vnſer opffer/opffern wir teglich/vnd nicht heüt ein anders Lamb/morgen auch ein anders/ſonder allwegen das einig Lamb.

¶ Athanaſius ſagt/Chriſti Prieſterthumb iſt ewig/dann alle tag durch die diener Gottes / ein opffer geopffert wirdet/ bey wellichem Chriſtus der Prieſter vnd das opffer iſt.

¶ Das aber Chriſtus diß opffer / welliches er ſeiner Kirchen zuthun beuolhen hat/zur gedechtnus ſeines todts zuvor ſelbſt geübt/vnd ſich ſelbſt inn dem Abendmal/vnder der geſtalt Brots vnd Weins / dem Vatter geopfferet habe/das beweyſen groſſe zeügen / vnder wellichen Genes. 14. iſt Dauid / der genügsam anzeiget / da er Chriſtum einen Prieſter heiſt/nach der ordnung Melchisedech / das Chriſtus durch das opffer Brot vnd weins/die figur/welche in Melchisedech vorgegangen / erfüllet hab / Danon der heilig Martyrer Cyprianus ſchreibt alſo/welche ordnung gewißlich von dem opffer kompt / vnd daher fließt / das Lib. 2. epi. Melchisedech was der höchſt Prieſter Gottes/vnd das er Brot vnd wein geopffert/vnd Abraham gebenedeiet hat/Dann welcher iſt mehr ein Prieſter deß höchſten Gottes/ als vnſer Herz Chriſtus Jeſus / der Gott dem Vatter ein opffer geopffert / vnd eben das ſo Melchisedech geopffert hat/das iſt Brot vnd wein/nemlich ſein leib vnd ſein blüt. Vnd bald darnach ſagt er alſo/wie im erſten büch Moyſi geſchriben iſt / auff das der ſegen deß Prieſters Melchisedech an dem Abraham recht möcht geübt werden/ſo geht zuvor die gebildnus deß opffers/nemlich im Brot vnd wein

G. iij verordnet

Römischer Keyserlicher

verordnet / welches der Herr Christus erfüllet vnd auffgerichtet / vnd hat Brot vnd den Kelch mit wein vermischet / geopffert / vnd dieweil er ist die vollkommenheit / hat er erfüllet die warheit / der züvor bedeyteten gebildtnuß oder figur.

¶ Arnobius redet von Christo / Also ist er durch die geheimnuß Brodts vnd Weins ein Priester worden inn ewigkeit / nach der ordnung Melchisedech / welcher allein vnder den Priestern Brot vnd wein geopffert hat / da Abraham mit sige wider heim keret von der schlacht.

¶ Damascenus sagt / Mit Wein vnd brot hat Melchisedech Abraham von der schlacht der frembdlingen empfangen / der da war ein Priester Gottes des aller höchsten / Vnd diser Tisch hat den Geistlichen tisch prefigurirt / gleich wie der Priester gänzlich die prefigurirten bildtnuß des waren Priesters Christi getragen / vnd beudeitet hat / dann er spricht / Du bist der Priester nach der ordnung Melchisedech. Diser zeügtnuß vnd dergleichen vil findet man in Hieronymo ad Euagrium, bey Augustino de doctrina Christiana lib. 4. cap. 21. bey Ambrosio de Sacramentis lib. 4. bey Chrysostomo vnd Theophylacto.

¶ Auf disen gezeügtnüssen der heiligen Schrifft vnd der heiligen Vätter / erkennet die allgemeine Christliche Kirch zweierley opffer / die inn der Substanz eins seind / aber inn der weyse zü opffern ganz vnderschiedlich / Das ein am Creutz / ein blüt opffer / Das ander im Abendmal / vnder gestalt Brodts vnd weins / inn welchem er Christus / als der rechte Priester nach der ordnung Melchisedech / seinen leib vnd blüt dem Vatter geopffert / vnd hat damit auffgerichtet ein ewigs opffer des newen Testaments / welches er auch den Aposteln vnd iren nachfolgern / das sie es zü seiner gedechtnuß / bis ans ende der welt thun sollen / befolhen hat:

Vnd

Maies. Erklärung. 28

¶ Und gleich wie die weyse dise beide opffer zu opffer
fern vnderchiedlich / Also ist auch der gebrauch vnderchied-
den/dann durch sein Blütopffer hat Christus vom Vatter
die versünung der ganzen welt / vnd die vergebung der
sünden / vnd ein vollkommene erlösung aller ding erlangt.
Das ander opffer aber ist zu gedechtnus des Blütopffers
eingesetzt / vnd der Kirchen beuolhen / das wir dardurch
Christum one blüt vnd one leyden dem Vatter fürstellen/
nicht das wir damit vergebung der sünden/ vnd die erlö- NB
sung von newem verdienen / Sonder das wir sie/wie sie
am Creutz verdient ist / durch den glauben vnd andacht
vns güt vnd nutz machen/ vnd folgen hierinnen dem be-
felch Christi/ der vns befolhen vnd geheissen hat/das wir
das thun zu seiner gedechtnus/ das ist/ Das wir durch die
gedechtnus vnd verdienst seines leydens/den Vatter vmb
vnsrer versünung vnd vergebung der sünden/vmb vnsrerer
Seelen heil/ auch vmb erhaltung vnsrerer leibe/ güter/vnd
alle wolfart anruffen / vnd bitten sollen.

¶ Bissher ist bewisen/auf was grund vnd zeügnus/
das opffer des Altars vest bestehe / Nun soll auch ein we-
nig von seinem gebrauch vermeldet werden.

¶ Inn der haltung dises opffers des Altars / werden
mit einander eingemenget/das lob Gottes / des glaubigen
volckes gebete/vnd dancksagung / auch die Lectiones der
heiligen Schrift/Darumb wirdt es auch recht genant ein
opffer des lobes/ der dancksagung vnd des gebetts/ Vnd
mit disem gebrauch erweist die allgemein Kirchen das ex-
empel Christi/welcher im opffer des Abendmals vil gebet Iohan. 17.
zu seinem Vatter gethon hat / für die erhaltung der Kirch/
die er auff der erden verlassen wurde / Vnd hat endtlich
mit lobgesang vnd dancksagung die geheimnus des Abend-
mals gantzlich beschloffen.

¶ Zu dem so helt die Kirch in volbringung dises opf- Epist. 59.
ad Paulinū
1. Timot. 2.
fers des Altars / nach anzeigung des heiligen Augustini
mit

Römischer Keyserlicher

mit grossem fleiß/vnnd gantz vollkommenlich die ernstliche vermanung Pauli/darinnen er vor allen dingen haben wil/das man flehen/gebet/fürbitt vnd dancksagung thun solle/für alle menschen/für die König/vnd für alle Oberkeit/auff das wir still vnd gerüwigtlich leben mügen/inn aller Gottseligkeit vnd züchtigem wandel/Vnd volbringt also die Kirch vil flehens vor vnd eh man das/so auff des Herzen Tisch ist/anhebt zu benedeien/Sie bittet auch wann mans benedeiet vnd heiliget/Sie thüt auch fürbittungen wenn das volck gesegnet/vnnd der barmhertzigkeit Gottes/inn seinen gewalt befolhen wirdet.

¶ Vnd wann das alles geschehen vnd gehandelt/vnd das Sacrament empfangen ist/so wirdet es alles mit dancksagung beschlossen/Besihe Augustinum inn obbemelter Epistel/da wirst du die weyse dis opffers des Altars/wie es yetzt inn der Kirchen gehalten wirdt/klarlich also finden.

¶ Ober das alles/so findet man das alle Christenleüte/aller zeit dise weise angenommen vnd bestettigt haben/die einhelliger meinung alle bezeügen/das man in der haltung dis opffers/gebet vnd dancksagung gehalten/vnd die Hostiam mit herzlichem gebetten/gebenedeiet hab/davon du lesen magst Chrysostomum vber Matthæum Homil. 83. Im büch vom ampt der Priester/lib. 30. Basilium Magnum vom heiligen Geist/cap. 27. Theophilact, cap. 14. Marci. Gregorium epist. 63. an Johannem Bischoff zu Syracusa/Ambros. von Sacramenten lib. 4. cap. 5. der auch den Canonem/des sich yetzt die Kirch gebraucht/fast von wort zu wort hin vnd wider inn seinen Büchern/die er geschriben hat/erzölt vnnd meldet.

Von

Maieſt. Erklärung. 29

Von der gedächtnuß der Heyligem im
Opffer der Meß/ vnd von irer Fürbitt/
ſo darinn begert wirdet/ Auch kürz-
lich von anruffung der Heyligen.

S Jeweil wir dann inn diſem Opffer/ der Meß/ der
vnermeßlichen wolthat Chriſti gedencen / dar-
inn er ſich ſelbſt für ſeinen ganzen Geiſtlichen
Leib / das iſt / für aller Glaubigen heyl vnd ge-
deihen zum Opffer gemacht hat / alſo das daſelbſt / nach
des Herren Exempel vnd der Apoſtel ermanung / für das
gedeihen der ganzen Kirchen / Gebett zu Gott aufgegoß-
ſen / vnd für alle ſeine wolthaten / danckſagung geſchehen
ſollen / ſo ſamlet die Kirch inn jr ſelbſt alle ire glieder zuſam-
men / vnd gedencet auch deren / welche von diſer Welt ab-
geſchiden / bei dem Herren leben / vnd ſonderlich faſſet ſie
zuſammen mit danckbarer Ehrwürdigkeyt die Gott ge-
liebten Heyligen / vnd dancket Gott für ſie / das er ſie nach
dem ſie von Natur ſchwach geweſen / durch krafft ſeiner
gnad alſo geſterckt hat / das ſie die gebrechen des fleyschs
überwunden / vnd wider die ſünde / den Teufel / vnd Tod /
nicht durch ire / ſonder durch Gottes krafft ſtarck mit
männlichem fechten / die Krone der gerechtigkeit / vor dem
gerechten Richter erlangt haben. Wie alt aber diſe
danckſagung für die Heyligen / vnd das diſe gewonheit
durch die ganzen Kirchen aufgebreytet ſey / das magſtu
leſen bei dem Dionyſio Areopagita : Cipriano lib. 3. Epi-
ſtola 6. lib. 4. Epistoła 5. Auguſtin. de ciuitate Deilib.
8. cap. 27. li. 22. cap. 10. contra Fauſtum Manichæum lib.
20. cap. 21.

Aber nicht alleyn ehren wir die Heyligen vnd dan-
cken Gott für ſie / ſonder wir begeren auch das wir
durch jr fürbitt vnd verdienſt inn allen dingen / durch den
ſchutz Göttlicher dingen mögen beueſtiget werden / vnd
H wir

Römischer Keyserlicher

wir glauben recht / das sie als eyner gemeynschafft Bürger / vnd eyns leibs glider / auch mit eynem Geyste vnd bande der lieb mit vns verbunden sein / auch vnserer seligkelt begeren / vnd mitleiden mit vnserm vnfall haben / vnd derhalben für all vnser not / bei dem gemeynen Gott Vatter / durch Jesum Christum vnser aller gemeynen Mittler / bitten / darzu sie dann das recht der gemeynschafft / damit sie vns verwandt seindt / vnd auch das Gebot bewegt / Bittet / sagt Iacobus / für eynander / das jr selig werdet / es vermanet vnd eingibt jnen auch solches die liebe / die sie zu vnns tragen / vnd dieweil sie jetzt bei Gott sicher / vnd von allen schwachheyten vnd gebrechen erledigt leben / mügen sie es one verhinderung wol thun / das sie auch solchs im ewigen leben thun / wissen wir auß gewisser zeugnuß der Schrifft / da Onias gesehen wirdt / das er die hande außstreckt / vnd bittet für das volck / vnd da gesehen wirdt eyn ander mann im alter vnd ehren wunderbarlich / von dem gesagt wirdt / der ist eyn liebhaber der Bitteder vnd des volcks Israhel / der ist der vil bittet für das volck / vnd für die ganze Statt Jerusalem der Prophet Hieremias / Vnd an eym andern ort bittet der Engel für die Statt Juda also / Herr Sebaoth / wie lang wilt du dich über Jerusalem vnd über die Statt Juda nicht erbarmen / über die du zornig bist .

¶ Also erfordern wir nun im diesem Glauben / eben so wol der verstorbenen Heyligen Gebet / die bei Gott leben / für vns / als deren die mit vns noch im fleysch leben / vnd sprechen sie an mit irem Namen / das sie für vnns bitten / vnd zweiffeln nit / das der / welcher alle ding vermag / leichtlich kan zuwegen bringen / entweder durch den dienst der Engel / oder durch eyn andere weiß vnd weg / der im gefelt / das die Heyligen vnser bitten erfahren / welcher gleich wol auch gibt vnd verleihet / das sich die Engel freuen / wann sie erkennen im Himmel die bekerung des sunders.

Souil

Maieſt. Erklärung. 30

Souil aber den verdienst der Heyligen belanget/
sagen wir nit/das die verdienst der Heyligen gleich seind/
den verdiensten/die wir inn Christo finden/ Der/ als er
sich selbst für vns dargeben/ vnd sein Blüt für vns ver-
gossen/hat er eyn volkommen versünung der welt mit Gott
verdienet vnd erworben/Aber die Heyligen haben ire ver-
dienst/ dardurch sie selbst selig worden seindt/vnd vnns
zü hilff kommen/auf dem leiden Christi/als dem Brunnen
aller seligkeyt vnd alles verdiensts geschöpft/Dann wenn
wir die schärpffe Göttlicher gerechtigkeit ansehen wollen/
So weren keynem Heyligen seine werck/sie weren so tu-
gendtsam als sie immer möchten/genügsam gewesen zü
seiner selbst seligkeyt/wie dann geschrieben steht/Vor dei-
nem angesicht wirt keyn lebendiger mensch gerechtferti-
get. Vnd das wort Christi/Wann jr schon thüt al-
les was euch gebotten ist/so sprecht/wir seindt vnnütze
Knecht. Vnd dis Pauli/Es seindt die leiden diser zeit
nicht würdig der zukünfftigen herlichkeit/die inn vns solle
geoffenbaret werden. Aber auf barmherzigkeit vnd
miltigkeit Gottes/vnd auf der Gnad Christi seindt die
verdienst der Heyligen nicht alleyn inen zü irer seligkeyt
fürstendig/sonder auch vns züm schutz/vnd Göttliche
gnad züerlangen nützlich/Dann Gott erfüllet inn inen
nach barmherzigkeit/das er warhafftig hat zugesaget/
da er spricht/Ich bin Gott der starck Eiferer/der da
heymfuchet der Kinder missethat/inn das dritt vnd
viredt geschlecht/deren die mich hassen/vnd beweis barm-
herzigkeit inn tausend/denen die mich lieben/vnd ha-
ten meine Gebot. Also seindt Abrahams des verstorb-
nen verdienst/seinem Sune Isaac zü trost kommen/vnd
da Jacob seine nachkommen inn der Religion vnderwi-
sen/hat er sie gelernet/das sie seinen/vnd seiner Vätter
Namen/ vber sich anrüssen sollen/welches auch Moses
mit vollem vertrauen gethon hat/da er sagt/Ich bitt/
H ij laß

Römischer Keyserlicher

Exod. 32. laß deinen zorn rüwen / vñnd sei gnedig der bosheyt deines volcks / Gedencck an Abraham / Isaac / vñnd Israhel
1. Reg. 12. deine knecht / Also vñnd der gnad willen Dauids / so eyn
4. Reg. 19. mann nach dem willen des Herin was / haben all seine
Esaiæ 37. nachkommen der gnaden Gottes / inen zu gut / offtmalen
Ezechie. 14. empfunden .

Von der gedächtnuß der verstorbenen inn Christo .

User Herz Jesus Christus / da er nach dem willen seines Vatters eyn seliges Opffer / die menschen zu erlösen / sich selbst ans Creutz gehefftet / hat er alle die / so dises sein Opffer / das von anfang der Welt / zum heyl der menschen verordnet worden / mit Glauben vñnd begirden / vorhin gefast hetten / oder inn künfftigen zeiten mit Glauben annehmen würden / als seine glieder inn sich selbst versamlet / vñnd gewöllt / das den nutz seines leidens an alle die zu gleich / welche seines Leibs glieder jemals worden seindt / komme / Derhalben die Kirch / wann sie dises gemeynen Opffers gedächtnuß wiederholet / all jr glieder samentlich zusamen rüffen / vñnd keynem von disem Opffer außschliessen solle / der nach des Herren gnedigen willen der nutzbarkeyt dises Opffers fähig ist / Darumb wie die Kirch zuuor der Heyligen gedacht hat / also auch füret sie ein die gedächtnuß der andern Christen / bei dem Opffer des Altars / welliche sie inn waren Glauben Christi / von himmen gescheyden sein / Gottseligklich glaubt / von denen sie doch nit gewis ist / ob sie genüg gereynigt vñnd aufgefegt / von himmen ab gescheyden seindt / wiewol sie eyn andere gedächtnuß helt der heyligen / vñnd eyn andere deren / die inn schlaff des friedens rüwen / Der ersten also / das wir nicht für sie bitten / sonder vil mehr / das sie für vns bitten / das wir inn iren
füßstapffen

Maieſt. Erklärung. 31

füßſtapffen wandlen / der andern aber / das wir den gemeynen Herrn für ſie bitten / das Gott allen denen die im Chriſto ſchlaffen verleihen wolte / das ort der erquickung / des liechts vnd des fridens durch Chriſtum vnſern Herrn.

Augustin^{us}
in Ioan.
tract. 202

¶ Vnd das wir die / ſo vor vns im zeychen des Glaubens hingangen ſein / von der mitgemeſſung vnſers Gebets nichts aufſchließen / das erfordert von vns die art der gemeynſchafft / welche wir mit allen Heyligen bekennen / Dann ob ſie wol irer leibe halben von vns abgeſündert ſein / ſo hangen ſie doch gleich wol an vns mit Geiſtlicher verbündtnuß / vnd werden mit vns in eynem Geiſt / als eynes leibs glider verbunden / vnd hangen an vns verknüpfft durch das band der liebe / vnd kan ſie der natürlich Todt von der gemeynſchafft des Geiſtlichen leibs Chriſti nicht abſchneiden noch ſcheyden.

¶ Vnd dieweil vns der Herr eyn ſolche weiſe zübeten fürgebildet hat / das niemandt ſolle alleyn für ſeinen / ſonder als eyn Bürger der groſſen gemeynſchafft / für aller menschen nütz betten / vnd gebeüt vns durch den Apoſtel / das wir für eynander bitten ſollen / das wir ſelig werden / ſo were es eyn groſſe grausamkeit wider ſeine mitgenoſſen / vnd eyn erſchrecklicher fräuel / wider den Herrn / ſo jemandt die im Chriſto verſtorben ſeindt / von der mitgemeſſung vnſers Gebets aufſchluſſe / das doch die Heylig Schrifft mündert gebeüt / vnd die art der Geiſtlichen gemeynſchafft / welche wir mit allen Heyligen bekennen / eygentlich verbeüt.

¶ So kan man mit groſſen vnd glaubwürdigen gezeugnüſſen gnügsam beweifen / das diſe durch die gantze Kirchen außgebreytet gewonheyt / das man bei dem Opffer des Altars / auch für die verſtorbnen fürbitt halset / auß angebung vnd Tradition der Apoſteln hergefloſſen ſey / Dionyſius Ariopagita im Büch Eccleſiaſticae Hierarchiæ ſchreibt alſo vom Gebete / das man für die

h ij Todten

Römischer Keyserlicher

Todten thün soll / ist der brauch auff vns kommen / von den himlischen Fürsten / das ist von den Aposteln / da er dann die ganz weise diser Gebete ordenlich vnd klar außgelegt / Dis Gebet (spricht er) bittet die Göttlich gütigkeit / das sie wölle dem verstorbenen die sünde verzeihen / welliche er auß menschlicher schwachheyt begangen hat / vnd wölle ine stellen inns liecht vnd an das ort der lebendigen .

Ad popu-
lum Anti-
ochen.
Hom. 69.

¶ Chrysostomus schreibt zum volck zu Antiochien / Es ist nicht on vsach (spricht er) das dise ding von den Aposteln geordnet sein / das inn den trefflichen geheymnissen / volbracht werd die gedächtnus der verstorbenen / Dann sie wissen / das inen darvon vil nütz eruolgen kan / dann wann das volck steht mit aufgereckten henden / vnd wirdt das trefflich Opffer fürgehalten / wie solten wir Gott nicht erbitten / wann wir für sie bitten ?

¶ Damascenus im Sermon / von denen die im glauben von himmen abscheyden / die Aposteln (sagt er) die Jünger des Seligmachers / die den ganzen kreys der Erden gewonnen haben mit Predigung des Worts des Lebens / das sie mit iren Augen gesehen / die haben gebotten / das man in den trefflichen vnd lebendigen Sacramenten deren gedencen soll / welche im Glauben entschlaffen sein / welches bis her vestiglich / vnd auch one widersprechen helt / die Apostolische / vnd allgemeyn Kirch Christi vnd Gottes / von eynem ort der Welt / bis zum andern / von derselben zeit an bis auff dise stundt / vnd bis ansende der Welt .

In Enchi-
rid . cap .
110 . in q . 2 .
ad Dul .

¶ Augustinus sagt / man solle nit laugnen / das der verstorbenen Seelen / durch die Gottseligkeit der lebendigen / erleuchtet werden / wann für sie das Opffer des Nitlers geopffert wirdet / oder geschehen Almüsen für sie / dann sie habens hie auff Erden verdient / das inen dis zu nütz kommen soll .

Sibe

Maieſt. Erklärung. 32

¶ Siehe deſgleichen bei Epiphanio lib. 3. contra hæreſes. Tertulia. ad uxorem, & de Corona militis. Ambroſium in oratione pro Imperatore Theodoſio, & de exceſſu fratris. Item lib. 2. Epistoſa. ad Fauſtinum. Ciprianum lib. 1. Epistoſa. 9. Bernhardum in Cantica ſermone 66.

¶ Nach diſer gedächtnuß der Todten / vñnd wann nñn die Kirch widerumb das gemeyn heyl der lebendigen / dem genedigen Gott beuohlen hat / So werden die andere Gebete zñ würdiger bereytung / die aller heyligſte Eucharistiẽ zñ empfaheñ gezogen / welcher theyl der Meß fürnemlich den ihenigen dienet / ſo gegenwertig ſein / vñnd die aller heyligſten Eucharistiẽ / entwederſ Sacramentlich / oder außſſ wenigſt / Geystlich niessen / vñnd nicht im gemeyn / Dann wie keyner für den andern getauſt werden mag / alſo kan auch keyner für eynen andern das Sacrament nützlich empfaheñ / Wann nñn das Sacrament auß getheylt / vñnd alle ding / wie ſich gebürt / gehandelt worden ſein / ſo beſchleußts alles (wie Auguſtinus ſagt) die danckſagung.

Von der Communion / wie ſie beim Opfer der Meß gehalten werden ſoll.

¶ Ad hie wer es nutz vñnd güť / wann diß aller war-
haſtigſt vñnd ſonderlich Opfer geopffert würd /
das mann den alten gebrauch der Kirchen wider-
umb einbrächte / da nicht alleyn der Prieſter der
da opffert für ſich ſelbſt / ſonder auch die Diaconi / vñnd an-
dere Diener der Kirchen / die an den tagen der hohen Feſt /
als gezeuigen eynes ſo groſſen Opffers / vñnd mithelffer der
notwendigen heyligen ämpter / darzñ gebraucht werden /
das ſie ſich theylhaſtig machten der empfañung des leibs
vñnd

Auguſt. de
ſpiritu &
litera ca. 11

De conſe-
cratioue

Diſt. 2. c.
Peracta, ca
c. Relatiõ

Römischer Keyserlicher

vnd blüts vnfers Herren Jesu Christi / wie inen die auffsetzung der Canonen ernstlich gebotten haben.

¶ Ober das sollen auch alle gleichigen / so zu disem Opfer vnfers Mittlers / vnd die gedächtnus des Todts des Herren / vnd vnser erlösung / zu betrachten / zusamen kommen / fleissig ermanet / erinnert vnd aufferweckt werden / das sie nach vorgehender erforschung / Beicht vnd Absolution / die gnad der allerheyligsten Communion auch empfaben / vnd sich mit fleiß vnd andacht gewenen / der allerheyligsten niessung der Eucharistien / mit dem Priester oft vnd vil theylhassig zuwerden.

Von den Ceremonien vnd gebrauch der Sacramenten.

S Je alten Ceremonien / so bei dem Sacrament der Tauff gebraucht werden / sollen alle bleiben / nemlich Exorcismus / das widersagen / bekänntnis des Glaubens / das Crisma / das öle / vnd anders / dann sie wol dienen / die krafft dises Sacraments anzuzeigen / vnd zübedeuten.

¶ Item / in den alten Ceremonien / so die allgemeyn Kirck bei der Messe gebraucht / soll man nicht endern / dann sie seindt alle zu dem / das man in der Mes handelt / ganz bequem.

¶ Vnd souil den gebrauch dises heyligen Ampts angeht / sollen in eyner jeden Statt / auch in eyner jeden Kircken (ob mehr als eyne darinn weren) die eygne Priester haben / vnd darinn das volck in zimlicher anzal zusamen zukommen pfleret / alle tag zum wenigsten zwos Mes gehalten werden / die eyn früe / darzu die leüt / so mit irer handt arbeyt ir narung süchen / kommen / vnd sich mit dem Sacrament berichten lassen / oder sich Gott dem Herren Gottseliglich benehlen möchten / Die ander aber solle vil

Mess. Erklärung. 33

vil herzlicher gesungen werden / vmb acht vhr des tags / vor mittag / bey welcher auch gleicherweiff / wie vor die jesuigen sein / die sich einweders mit der Eucharistien besichtigen lassen / oder aber sich sonst Gott befehlen sollen.

¶ Aber in den Dörffern solle auffss wenigst alle Sonntag vnd Feyrtag eyn Mess gehalten werden / Vnd damit das volck widerumb zu dem gebrauch der Messen füglick gebracht werde / So sollen die Prediger nach der meinung / wie hieoben von disem heiligen ampt angezeigt vnd erklärt ist / das volck vermanen / das sie gern vnd offft wöllen darbey sein / denen man auch solle fürsreiben gewisse betrachtungen / die sich zu einem yeglichen stuck der Messen reimen / Vnd vor der Prefation / soll der Priester oder Diacon / wo er vorhanden / dem volck anzeigen / den rechten gebrauch der Messen / vnd das auf einer gewissen Notel / deren man sich auch allhie vereinigen solle / nach der art / wie hie oben von disem heiligen ampt gesagt ist .

¶ Der Canon daran man nichts endern / solle / auch sein klare kurtze auflegung haben / das darauf die Priester erstlich den gebrauch ires ampts desten besser verstehn / vnd was sie verstehn / dem volck fürsagen künden.

¶ Die Ceremonien der andern Sacramenten / sollen gebraucht werden / vermög der alten Agenden / Doch wo ichts in dieselbigen / das zu aberglauben vsach geben möchte / eingeschlichen were / das solle nach zeitlichem rath gebessert werden .

¶ Die Altaria / Priester kleider / die gesess der Kirchen / Fanen / desgleichen Creutz / Kerzen / Bilder / vnd gemälde / soll man inn der Kirchen halten / Doch also / das sie allein erinnerung sein / vnd an dise ding kein Göttliche ehr gewendt werde / So soll auch zu den Bildern / vnd der heyligen gemelde kein aberglaubischer zulauff beschehen .

¶ Desgleichen solle man die Horas canonicas / vnd die Gottseligen Psalm gesenge / die vns der Apostel selbst
J befolhen

Römischer Keyserlicher

befolhen / keinerley weise auß der Kirchen weg thün / sonder löblich erhalten / fürnemlich von der zeit / auch von den Sontägen / vnd andern alten hohen Festen / Vnd wo man die abgestelt hette / sollen die wider angerichtet werden.

¶ Was aber von den heiligen hinzügerhon ist / das soll zu dem / das inn dem Communi sanctorum gesetzt / gezogen werden / Vnd wo sie jergendt die rechte maß vbertreten / soll man sie corrigieren vnd bessern.

¶ Des gleichen soll man auch begehñ die Vigilien vnd begenñuß der Todten / wie es inn der alten Kirchen gebräuchlich ist / Dann es were eyn grausamkeit / das man derselben inn der Kirchen mit gedencñen solt / als weren ire seelen zügleich mit den Cörpern vndergangen.

¶ Man soll auch die Fest / so von der Kirchen angenommen / behalten / Vnd wo nicht alle / doch die fürnembssten / Nemlich :

Die Sontäg.

Den geburts tag des Herren.

Die beschneydung des Herren.

Der heyligen drey König tag.

Den Palmtag.

Die Ostern mit zweyen folgenden tügen.

Die Auffart des Herren.

Die Pfingsten mit zweyen folgenden tügen.

Das fest Trinitatis.

Das fest des Fronleichnams Christi.

Die feyrtäge der heyligen Junckfrawen Marie.

Die tåg der heyligen Apostel.

Sanct Johannis Baptistä.

Sanct Mariä Magdalenä.

Sanct Steffans.

Sanct Lorenzen.

Sanct Martin.

Sanct Michael.

Vnd

Waiest. Erklärung. 34

Vnd aller Heyligen.

¶ Auch in einer yeden Kirchen/deren Heyligen Fest vnd tage/so daselbst Patroni sein/auff das wir an den selben Festen Gott in seinen heiligen ehren/vns auch reitzen inen nachzufolgen/vnd inen verdienst zugesellet werden.

¶ Man solle auch behalten/die tage der Bettwochen vor der Auffart des Herren/auch die Letaney an Sanct Marx tag/vnd alle gebürliche Processiones nach altem gebrauch im Jar.

¶ Desgleichen in der heiligen Karwochen/vnd bey allen andern Festen der Kirchen/sollen die gewonlichen gesenge vnd Solemniteten gehalten werden/Vnd soll am Osterabend vnd Pfingsten/das wasser der Tauff durch alle Pfarrkirchen mit herlichen segnen/zubereytet werden.

¶ Vnd nach dem die enthaltung des fleischs effens/so nit der ursach/als ob das fleisch an jme selbst unrein were/Sonder zur messigkeit/abbruch vnd casteyung des fleisches fürgenommen wirdet/an jr selbst gut ist/Auch sonst der gemein nutz erfordert/das man sich ettlicher zeit vom fleisch enthalte/dieweil sonst schier des vichs nit gnüg ist/zü täglichem gebrauch/So soll man die einsetzung der alten Kirchen nicht verwerffen oder tadeln/sonder sich an den Fasttagen/auch Freytag vnd Sonnabend vom fleisch enthalten.

¶ Dann disen abbruch/sich auff sondere tag von ettlichen speisen züenthalten/hat die Kirch nicht auß aberglauben angenommen/auch nit vmb unreinigkeit willen der speiß (weil sie weißt/das den reinen alle ding rein seind/vnd den menschen nit besleckt/das durch den mund eingehet) Sonder in meinung das fleisch dardurch züzammen/damit die Seel von bösen begirden vnd bewegungen dest besser gedemütiget werde/Es hat auch die

J ij

Kirch

Römischer Keyserlicher

Kirch disen abbruch auff Freytag vund Sambstag eingesetzt / auff das die menschen zur volbringung des diensts Gottes / zu anhöning Göttlichs worts / vund zur empfangung der allerheiligsten Eucharistien (die vor zeyten auff die Sontag gemeintlich gehalten ward) durch solchen zwaytägigen abbruch des geschickter vnd würdiger sein möchten / Vnd das auch durch solche freiwillige castung / die menschen mit Christo (des leiden auff dise tag fürnemlich betrachtet wirdt) jr fleisch creüzigten.

¶ Es sollen auch daneben die gewonliche Fasten der Kirchen gehalten werden / doch das die ihenen / welche die not entschuldigt / als da seind harte Arbeiter / wanderende leüt / Schwangere weyber / Seügammen / Kinder / Alte vnd Francken / hiemit nit verbunden sein sollen.

¶ Man soll auch nit verachten die Benedeiung deren dinge / so durch segen vund gebett zum gebrauch der menschen zubereitet werden / Doch so ferz das die würckungen / so davon kommen / nicht den Creaturen für sich selbst / sonder der Göttlichen krafft zugeeignet werden / Vnd das man sich wol fürsehe / das die selben zu keinerley zauberey oder aberglauben gebraucht werden.

¶ Vund wiewol man mit dem Apostel halten solle / das der / so one eyn Weib ist / für die ding sorge / die des Herren seind / Darumb es zuwünschen were / das der Clerici vil gefunden wurden / die / wie sie one weyber sein / auch wathafftige keüschheit hielten / Jedoch dieweil jren yetzo vil seind / die in stand der Geistlichen / die Kirchen ämpter verwalten / vund an vil orten Weyber genommen haben / die sie von jnen nit lassen wollen / So soll hierüber des gemeinen Concilij bescheid vund erörterung erwartet werde / Dieweil doch die veränderung (wie yetzt die zeit vund leüff seind) auff dis mal one schwere zerrüttung nit geschehen mag / Doch kan man nicht laugnen / wiewol der Ehestand für sich selbst ehlich ist / nach der Schrifft / das
doch

Maieſt. Erklärung. 35

doch der/ſo kein Eheweib nimpt/vnd warhaſſrige Keuſchheit helt/better thū nach derſelben Schriſt.

¶ Eben diſe meinung hat es auch mit dem gebrauch der Euchariftien vnder beider geſtalt / welcher ſich nūnren vil gebrauchten / vnd deren gewonet ſein / vnd mügen diſer zeit one ſchwere bewegung dauon nicht abgewendet werden/vnd dann das gemein Concilium / welchem ſich alle Stend deſ heiligen Reichs vnderworffen haben / one zweiffel einen Gottſeligen vnd eiferigen fleiß anwenden wirdet/das inn diſem ſahl viler leüt gewiſſen/vnd dem frieden der Kirchen nach notturfft gerathen werde. Demnach welche den gebrauch beider geſtalt von diſer zeit angenommen haben / vnd dauon nit abſtehn wöllen/die ſollen hierüber gleichs ſahls deſ gemeinen Concili erörterung vnd endtſchid erwarten/Doch ſollen die/ſo den gebrauch beider geſtalt haben/die gewonheit diennit alt iſt/vnder einer geſtalt zu Communiciern nit ſtraffen/auch keiner den andern hierinn anfechten/biſ hierüber von einem algemeinen Concilio geſchloſſen wirdet.

¶ Item wiewol das Sacrament deſ Altars vnder beider geſtalt eingezet iſt/ſol man doch wider anzeigung Göttlicher ſchriſt / Chriſtum im fleiſch nit theilen/ſonder halten / das vnder einer yeglichen geſtalt der ganz Chriſtus beſchloſſen ſeye.

¶ Auch nach dem im Sacrament deſ Altars iſt der ware leib/vnd das ware blüt Chriſti/ſo iſt billich das man inn diſem Sacrament Chriſtum anbetet.

¶ Item das Sacrament deſ Altars / ſo das einmal durch das wort Chriſti conſecriert iſt / ſo bleibt es (ob es ſchon eyn zeitlang behalten wurde) das Sacrament der leib vnd blüt Chriſti/biſ es genoſſen wirdet.

¶ Was aber die diſciplin der Geiſtlichen vnd deſ volcks angeht / were hoch von nöten abzūthūn die ergeren/niſſen auß der kirchen/die groſ vrsach geben haben/zū der

I iij zerrütung

Römischer Keyserlicher

zerrüttung diser zeit / welches die sach an jr selbst zeüget /
vnd darüber schreiet / derhalben wann die Keyserliche Ma-
iestat eyn nutzlich Reformation der Kirchen verschaffen /
so wirdt die niemandt / so vnserer heiligen Religion vnd
gemeinem fride günstig ist / verachten / sonder zum höch-
sten zübefürdern verhelffen.

S Ad wir Keyser Karl 2c. Bekennen das obge-
setzter Radschlag das ihenig ist / davon inn vn-
serm / vnd des Reichs Abschiedt / Des allhie zü
Augsburg gehaltenen Reichstags meldung ge-
schicht. Des zü verkündt haben wir vnser Keyserlich In-
siegel hieran thun hencken. Geben inn vnser vnd des hei-
ligen Reichsstadt Augsburg / den letzten tag des Monats
Junij / Nach Christi vnser lieben Herren geburt / fünffze-
henhundert / vnd inn acht vnd vierzigsten / vnser Key-
serthumbs inn acht vnd zweinzigsten / vnd vnserer Reich
inn drey vnd dreissigsten Jaren.

CAROLVS.

*Ad mandatum Casareae et
Catholicae Maiestatis pro-
prium.*

*Sebastianus Archiepiscopus Mo-
guntinensis, per Germaniam Ar-
chicancellarius. subst.*

*Io: Obernburger.
subst.*

Maiest. Erklärung. 36

Christo Auspice
PLVS VLTRA.



Gedruckt inn der Churfürstlichen Stadt
Meyntz / durch Juonem Schöffler / im
Jare / M. D. XLVIII.

Christo Alpice

Christo Alpice

REV. V. P. R. A.




Gebrüder von der ...
M. D. C. XLVII



Li 3876

4.

X 2209815





S Er Römischen
Keyserlichen Aaiestat
Erklärung / wie es der Reli-
gion halben / imm heyligen
Reich / bis zu Auftrag des
gemeinen Concilij gehalten
werden sol/auff dem Reichs-
tag zu Augspurg/den XV. Maij/im M. D. XLVIII.
Jar publiciert vnnnd eröffnet / vnnnd von ge-
meinen Stenden angenommen.

Christo Auspice
PLVS VLTRA.



Ex
Bibliotheca
Ministerii
Cellensis



1913 9 1173

Cum Gratia & Priuilegio, &c.

